

NANOIDE SAN PABLO CORINTO IMÁCIMO ORÉCABE Primera Carta del Apóstol San Pablo a los Corintios

Coríntomo ite Jesucristomo ñnotinomo Pablo cuete

¹ Cue Páblodicue. Ñúefue llujillaena Juzíñamui começi jítaina izói Jesucristo jóonegamiedicue. Bie izói daina Jesucristo orécamiedicue.

² Cue, cai ama Sóstenes diga, Corinto jófue mo ite Juzíñamuimo gairífredino uáidotico. Afe llezica bibe ómoimo cueticue. Omoimo Jesucristomo dájena jaináinamona Juzíñamui iédiomoi. Juzíñamui íena omoi jáillena afémieoiri ómoína jírite. Nágagobiaimo ite cai Ocuíraima Jesucristo mámedido jicáfiredino, daje izói Juzíñamui íeiena uáidogaiaioi. Afe Ocuíraima Jesucristo afémaci ie, daje izói cáie.

³ Cai Moo Juzíñamui, cai Ocuíraima Jesucristo diga, íaillinoína ñue uái illifue dibénemo ómoína jóoneiteza. Daje izói afe íaillinoi ómoína ñue éziciiteza.

Jesucristomona comuide caimare illafue

⁴ Nágaruí ómoiri Juzíñamuina iere figura daiífredicue, mei Juzíñamui Jesucristodo ñue caimare ómoína itátate.

⁵ Mei jii, Jesucristomo dájena omoi jaináinamona, Juzíñamui nana ie cáimafuiaí ómoimo orede. Nana

ie caimare úrillafue Juzíñamui ómoimo lloste. Daje izói ie onóigafuiaina ómoína onótate.

⁶ Mei daí Juzíñamui Crístodo daína uai ja ómoimo bie nahífuena ite.

⁷ Bímona cai Ocuíraima Jesucristo cíocaiza; billíruimo nai dúciñena llezica, nana Juzíñamui lloga uaina ómoimo íteza; abi diné jíaie uaina jítaíñeitiomoiza.

⁸ Aféme ico írairuimo ómoína náiretaite. Imona cai Ocuíraima billíruimo dúcille dino buna ninó fiénidifuena ómoimo nitáñede.

⁹ Juzíñamui uícodo ie daínana jaca ñue ícoimo fuitáfirede. Afe ínofirega Juzíñamui ie jitó Jesucrístomo cai nabáirillena caina uáidote. Afe Jesucristo cai Ocuídime.

Crístomo gairífiredino dájena iñeno oni eneno comécíidiaíoi

¹⁰ Amatíai, omoí cacai. Cai Ocuíraima Jesucristo mámedido izire ómoimo jícadícue. Dájena omoí jainairi. Daje izói eneno omoí bozíetaíñeno iri. Mei jíaífodo jíáimana énenaruiñeno ñue dájena omoí iri. Daje izói dáafuemo comeci fácaitiomoiza, íemo daje izói dáafuemo omoí maméritiomoiza.

¹¹ Cue ámatíai, bifue ómoína daidícue, mei Cloé comínimona dáarie cuemo llotíaíoi, omoí cígiri jíáimana ruifíruillano oni enénorie itíaíoi, daí daidíaíoi.

¹² Bie izói cue cacánafuedo ómoína daíacade. Omoímona illa dígamíai jíaífodo úritiomoí. Dáarie cue Pablo iédícue daide, jíáimaci cue Apolos iédícue daide, jíáimaci cue Pedro iédícue daide, jíáimaci cue Cristo iédícue daide.

13 Mei íadi nana omoi Cristo abi izóidinodíomoi. ¿Meita afe Cristo abi énenorie fecaca? Daiítañede. ¿Meita Pablo omoi méifomo cruzmo coraica? Córaiñega. ¿Meita Pablo mámecido omoi báutizagaomoi? Daiítañede.

14 Cue mena come Crispo Gayo diga báutizadicue. Omoimona abi dine jíáimacina báutizañedicue. Aferi Juzíñamuina “Figora,” daidicue.

15 Iemona ómoimona buna “Cue bie Pablo mámecido báutizagacue,” daíñide.

16 Iemo jíái daa Estéfanos comini báutizadicue, mei íadi cuemo úibicaiñedeza, abí dine jíáimacina báutizañedicue.

17 Mei Cristo cuena “Comini o báutizari,” daíñede. Cuena “Cue ñuera jílona uai o llócairi,” daide. Mei íadi cue abi ínotade comini bacácido cuena llotátañede, Cristo cruzmo tíllana cue ráifitañellena.

Cristo llogáfuemo Juzíñamui ríino ite naa ie baitácafuiari

18 Afe bie Cristo cruzmo tíllafue, nana nine táinomo báitino dibénemo ráifiñede taino uaillai izoide. Mei íadi ñue jíllotino dibénemo, Cristo cruzmo tíllado cai comeci illafue méidorede, mei afe uaimo Juzíñamui ríino íteza.

19 Jaiái Juzíñamui Cuegáuaido afémie bie izói daide:

—Iere baitádino onóigafuiaina niné táinocaitaicue.

Daje izói fibídino fibíllafuena ráifitañeiticue, — daide.

20 Ja biniemo fibídime ¿mei níifuemo cánoite? Comini comeci ífuena ñue méidoñede. Daje izói

fia fibíllafue llófueraima canóñede. Afe izói bíníe ráfuiái júfidotímíe canóñede. Mei nana bíníemo fibíllafuiái Juzíñamui ja jíáífodo méidoga. Ráífiñede taino uáillaina méidoga.

21 Juzíñamui nana ie finóllífuiaína onófirede. Iemona “Fia bíníe comíníe báitajafuedo cuena ónoñeitiomoi,” afémíe daíñocaide. Mei jíáífodo Juzíñamui íaíoimo lloga uailíe íaíoíe ínuado afémacína jíllotaacade, afe bie lloga uai jíáímacimo ráífiñede taino uai izoide íaíoimo cíocaide íadí.

22 Iemo Judíuái fia dáinamona comuide cíórainína ráaniána cíócadiaíoí. Iemo judíoñedíno íere báitajafue jenódiaíoí.

23 Mei caí, cruzmo coraíca Cristo rafue jino llófredicái. Ie mei judíuái afefue llófuiana meáíruítiaíoí. Iemo judíoñedíno aféfuena “Ráífiñede taino uailíe,” daídíaíoí.

24 Mei jíáífodo Juzíñamui jíllóillena maíñócano díbenemo afe Cristo caíríe tílla llogáfuemo Juzíñamui ríino íte. Daje izói afémacíe íena afe llogáfuemo Juzíñamui baitaca uai íte. Daa Juzíñamui jíírigamíe judío ímíe íadí, bífue afémiemo ráífide. Daje izói Juzíñamui uáídogamíe judíoñedímíe íadí, bífue dájerize íaíllínoimo ráífide.

25 Mei jíí Juzíñamui lloga uai, ráífiñede taino uai izói comínímo cíoide, mei íadí afe uai énie comíníe báitacafue baímo íere baitade. Daje izói Juzíñamui finócafue ríinonína izói comínímo cíoide, mei íadí comíníe máírie baímo jamánomo ríírede.

26 Amatíe, maí Juzíñamui omói jííííllafuemo uibíoicairí. Omóimona báitadínona figo íñede, mei íadí naí íe comínídíomoi. Daje izói ómóimona

riíllainina figo iñédeza. Iemo ómoimona jica jalleide comínina figo iñede, mei íadi nai Juzíñamui izíruigamacidiomoi.

²⁷ Mei jiáifodo, bínie comini daina abina onóñedino Juzíñamui jae nizeca, ráfuiaina baitáđino méaicaillena. Daje izói bínie comini daina riinidimaci Juzíñamui jae nizeca, nana “Mairídicue” daidino meáicaillena.

²⁸ Iemo biniemo ite jica jalléiñedino naa jámairuigamací diga Juzíñamui jae nizede. Nana bie Juzíñamui nizécano jamai comini. Juzíñamui bie izói jamai comini nizede, abí ñnota “Aillomiedicue” daidino riinitallena.

²⁹ Iemona buna Juzíñamui uícomo abina ñnonide.

³⁰ Mei dama Juzíñamui ómoína Cristo Jesumo dájena jaináitate. Daje izói Juzíñamui, Jesucristo cai ifoci déitatimiena jóonete. Iemo Crístodo, Juzíñamui anamo ñue jaícina cai íllena, afémie caimo jóonete. Afe llezica Juzíñamui íeiena Crístodo caina ñue finode. Afe bie Crístodo daí jíllodicai.

³¹ Afémie daí finode, Juzíñamui Cuegáuai daina izói jaícina jino fuitállena. Afe uai daide: “Dámie abí ñnoiacania, cai Ocuíraimado abí ñnori,” daide.

2

Dama coraica Cristo rafue Pablo comínimo llote

¹ Birui ómoimo cue llua izói, afe izói naui Juzíñamui ua rafue ómoimo cue lluaíbillaruido, cue baitaca féirede uaido ómoimo úriñedicue, “Iere ráfuiaina baitáđimiedio” cuena omoi dáíñeillena.

2 Mei nauí omoí cígiri cue illa llezica daa Jesucristo ráfuena naa íe coráíafue diga, abí diné jííafuena ómoína onótaacañedicue.

3 Aféruillaido ómoiri ríinidímíe izóí iticue. Ie jira benena cue jácieri cuidíridicue.

4 Omoímo jino cue llua llezica fia énie come baitaca uaido ómoína jíeruítacñedicue. Mei jííáfodo Juzíñamui Ñuera Joréñodo jíeruítadicue. Daje izóí Juzíñamuimo ite ríinodo: “Bífuena omoí jíéruiri,” daidicue.

5 Daií ómoína daidicue omoí íinogafue, Juzíñamui ríino díbénemo íllena; daje izóí omoí íinogafue bíníe comíní onóigafuemo jáinaiñeíllena.

Juzíñamui da íe Ñuera Joréñodo onoíga

6 Mei íadi ómoímona Juzíñamuimo íinogafuemo ñue móonaitínomo cue baitaca uaido úriticue. Bie cue baitaca uai bíníe comíní íeñede. Daje izóí bíníe uíñote rííllainí uáíñede. Afémaci naa íaíoi uáíllairí níné cíocaiñeítiaíoi.

7 Jaíai uáfodo ónoñega Juzíñamui fibíllafuíaído úriticai. Afémíe jaíai énie comuíacana uícodo báinino mamérillafuedo úriticai. Aféruillaido caímo zííñona fuíñeíte jíllollífue caímo mamede.

8 Nana bíníe uíñote rííllainímona bífuena buna onóñede. Bífuena onódiaíoi na caí ñuera Ocuíraíma Jesucrístona coráíñediaíoi. (Aféfuena íaíoi onóñenado íena coráídiaíoi.)

9 Mei íadi Juzíñamui cáíena mamécafue íe Cuegáuai daína izóí ite. Afe uai daíde:

Bíníe comínímona jaca buna cíóñena ñuera raa

Juzíñamui íena izíruitíno íaíoiéna jóonete.

Afe izóídena comíní jaca cacáñediaíoi.

Daje izói áfemo jaca buna comeci facáñena.

10 Afe bífuiaina Juzíñamui ie Ñuera Joreñodo caimo llotátate, mei afe Ñuera Joreño nana Juzíñamuimo ite uáfodo ónoñega ráfuiaina onóillena izire jicánofiredeza. Iemona afémie cai fidítate.

11 Bíniamo ite comínimona, ¿mei níimie jíáima comeci ifue onona? Dama afémiemo ite joreño ie comeci ífuenta onona. Afe izói dama Juzíñamui Ñuera Joreño Juzíñamui comeci ífuenta onona.

12 Bínie comini fiendi comécillafuiai úicaiñegacai, mei íadi Juzíñamui caimo oreca Ñuera Joreño úicaigacai. Juzíñamui ie Ñuera Joreño caimo orede, aillo jeruíñeno caimo ie fecaca ráfuiaina cai onóillena.

13 Juzíñamui Ñuera Joreño caimo llófuega uáillaido afe bífuiaido ómoimo úriticai. Dani cai fibíllafuemona cai onoiga uáillaido ómoimo úriñedicai. Afe daí Ñuera Joreño úicaiganomo Ñuera Joreño lloga ua ráfuiiai jino ñue lloticai.

14 Mei jíi, Juzíñamui Ñuera Joreñona úicaiñegamie afe Ñuera Joreño lloga ráfuiaina jeire oñede. Mei afémiemona bífuiiai ráifiñede taino uallai izóideza. Aféfuiai afémiemo jánaide, mei bífuiiai cómemo dama Juzíñamui Ñuera Joreñodo llófuegaza.

15 Mei íadi Juzíñamui Ñuera Joreñona igámie naga ráfuiaimona nifue ñuena, nifue fiénina daírede. Mei jíáfodo Ñuera Joreñona íñegamie afe izói daínide. Iemona Ñuera Joreñona íñegamie Joreñona igámie jaca níifuenta jicánonide.

16 Mei Juzíñamui Cuegáuai daide: “¿Bu mei cai Ocuíraima comeci fácafuenta onona? ¿Mei níimie

Juzíñamuina llófuerena?” Mei íadi ie Ñuera Joreño do Cristo ifoci úrillafue caimo ite.

3

Dájemo táijidino izói Juzíñamui ocuica uai llujillena canódica:

¹ Amatiai, bie lloga Cristo comeci fácafue nai ómoimo figo jóobiñede. Iemona Ñuera Joreño úicaigano izói nai ómoimo úrinidicue. Mei jááfodo Ñuera Joreño nai figo jaináiñedino izóidiomoi. Crístomo jaináidino dibénemo nai figo onóñede úruiai izóidiomoi.

² Iemona nauí ómoimo féinino llófueticue. Nai monoi jirode úruiai izóidiomoi; jáiaide güille nai ómoimo dúñede. Iemo afe izói ñue baitácafue nai ómoimo jaca dúñede. Nai aféfuena jeire ónidiomoi.

³ Mei nai Ñuera Joreño jaináiñena llezica jamai come izóidiomoi. Nai birui jáimana úradoidiomoi, íemo icírafuena jenófrediomoi, íemo nai jáimana énenoruidiomoi. Iemona bíniemo ite Juzíñamui Joreño nai íñegano izóidiomoi. Nana íaioi eneno bozíetaillafuiaina nai jeire otíomoi.

⁴ Omoimona dáarie “Pablo iédicue,” daide. Jáimaci “Apolos iédicue,” daide. Bie izói omoi illa, nai bíniemo ite Juzíñamui Ñuera Joreño úicaiñega comini izóidiomoi.

⁵ ¿Mei nímie Páblona? ¿Mei jái nímie Apólona? Coco bie daa Juzíñamui ocuícamedicoco. Daa cócodo cai Ocuíraimamo ínotiomoi. Cai Ocuíraima cuemo jóonega táijinamo táijidicue. Daje izói Apolos dama íemo jóonegamo táijide.

⁶ Cue bie fueñe ritímie izóidicue. Ie mei Apolos afe rigaji jáinoina riáitatímie izoide. Mei íadi afe rigaji zicótatímie daade Juzíñamui.

⁷ Iemona cue bie fia ritímiedicue. Iemo Apolos fia riáitatímie. Bie coco jabóidimiedicoco. Mei íadi Juzíñamui jamánomoidímie, mei afémie afe rigaji zairítaiteza.

⁸ Nana ido ritímie, afeji jáinoina riáitatímie nágaillinoi daje Juzíñamui ocuícamié íaillinoi. Mei íadi illa dígamie nano ie táijina dieze Juzíñamui íbaite.

⁹ Coco bie dama Juzíñamui jetácamo dájemo táijidicoco. Ie mei omoi Juzíñamui riga jacafai izóidiomoi.

Nane jíáie raa izóidiomoi. Juzíñamui como nicana uiga jofo izóidiomoi.

¹⁰ Cue bie jofo níraini ocuídímiedicue. Juzíñamui cue ocuilla izói, bico jáillirai riire naidánetimie izóidicue. Iemo jíáimie afe jáillirai acónimo ticáidímie izoide. Ie jira naga tícaitimie rairuídicue, fiene ie ticáñeno ñue ie ticáilleza.

¹¹ Mei jíi, abí dné jíáimie riire naidaide jáilliraina naidáñenide. Afe jae riire naidánega jáillirai izóidímie Jesucristo.

¹² Mei naga come bie jáillirai caifófemo ie illínona nírede. Afe bíena daiírede mei naga come illafue bie nillico izóideza. Dámie afe jáilliraina mameide Jesucristo caifófemo oro izóidedo ie illínona nírede, jíáimie quenírede llojefe izóidedo ie illínona nírede, jíáimie ráifide noficiai izóidedo ie illínona nírede, jíáimie amena iedo ie illínona nírede, jíáimie fia uifzaido ie illínona nírede, jíáimie

zicicai izóidedo ie illínona nírede.

13 Iemo ico jiáiruido Cristo comínimo itifue riire jicánuaibilliruimo naga come ie nigano uáfori cíoite. Aféruído Juziñamui cai táijina fácaite. Irai izóidedo naga come nigánuaí Juziñamui fácaite.

14 Irai cúaritañega raado nitímie Juziñamui ie táijina íbaja raana jírídoite.

15 Mei jiáifodo cúarirede raado nitímie minícana jíridoñeite. Nana ie táijina niné táinocaiteza; dama táinori llégite. Mei íadi dama afémie jílloite. Ua, jofo bóoamona nana raaie uzilla mei, dama come jílloa izói, afémie jílloite.

16 ¿Omoi bie Juziñamui jofo izóidiomoi nai onóñediomoi? ¿Daje izói Juziñamui Ñuera Joreño ómimo íllana onóñediomoi?

17 Afe bie Juziñamui ico íaifuenidico. Iemona ómimona dámie bie Juziñamui jofo eneno botáadi, afe cómena Juziñamui jiái niné táinocaitaite. Omoi bie íaifuenidico izóidiomoi.

18 Nane daa come dama abi jífueiza áfemona abí omoi rairuiri. Omomona dámie “Bínie ráfueña iere baitádimiedicue,” daííadi, afémie meine abído ñnoñedino daina izói ráfueña baitáñedimiena jáirede, Juziñamui ite nahí rafue baitállena.

19 Mei bínie comini baitácafuiái Juziñamui mona ráifiñede taino uailai. Ie Cuegáuai daide: “Iere baitádinona Juziñamui dani íaioi bífueinamo írebaimo jiilla izói jíitate.”

20 Nane dáanomó daide: “Baitáдино comeci fácafuiái ráifiñenana cai Ocuíraima onode.”

21 Ie jira jiáimamo jaináillado jaca buna abina ñnonide. Afe omoi dáamiemo jaináilla uai jiáifodo

jóide. Nana omoi canódino ómoimo jainaide.

²² Daa cómemo jáinaiñeno nana bimaci ómoimo jainaide: Pedro, Apolos diga ómoimo jainaide, cue jíái Páblodícue ómoimo jáináidícue. Daje izói nana bíniemo ite ráaniai Crístodo ómoiena Juzíñamui mamede. Daje izói Crístodo Juzíñamui ómoína cáatate. Iemo omoi tíadi, Crístodo afe tíillana jáciruiñeitiomoi. Iemo biruúllaido Crístodo caimare írediomoi. Iemo uire jíáiruido ómoimo ífícaítífue mo Crístodo jáciruiñeitiomoi. Nana bie ñúefuiai ómoie.

²³ Iemo Cristo íediomoi, ie mei Cristo Juzíñamui ie.

4

Jesucristo orécano táijinafue

¹ Iemona Cristo canódino omoi caina daírediomoi. Daje izói uáfodo ónoñega Juzíñamui lloga uailai jino comínimo llófuetino omoi caina daírediomoi.

² Mei jíi, táijinana jóonegamie ie ocuídímie ñnofirenana afémiemo jino cíotarede; ie ocuúllana ñue ícoimo fuitárede.

³ Mei íadi cúemona, omoi cuemo itífue jícanodoiari járitañedícue. Daje izói dáarie cuemo itífue jícanodoídino cuena dánana figo náfueñedícue. Afe izói cue itífue dama cue jícanoíadi áferi járitañeítícue.

⁴ Mei cue comeci úrilla níífueña cuemo nitáñede. Mei íadi afe izói cue comeci úria, nai ua Juzíñamui eróicana ua nífuenidímiedio cuena daíñede. Mei cuemo itífue jícanotímie dama Jesucrístoza.

5 Mei jira, Cristo nai biñena llezica jiáima táijnafuena riire omoi jicánodoiñeno iri. Daa cai Ocuíraima jicánuaibillirui omoi ocuíriri. Aféruido afémie jítifomo báinino itínona bai úzefomo uáfori cíotaite. Daje izói aféruido cai Ocuíraima naga come comeci mamérillafuiai uáfodo onótaite. Iemona Juzíñamui naga come nano ba íemo dúide dieze ñúefuiai íemo fécaite.

6 Amatiai, mei ñue omoi íllena bífuiaido omoi o úriticue. Omoi canódimie Apolos ifue dama cuefue diga jae ómoimo lloticue, omoi ñue dájena comeciillifue uáfodo omoi onóillena. Bifue ómoimo lloticue ómoimo coco cíotagafuiaido Juzíñamui Cuegáuai baimo omoi comeciñeillena. Afe uai caina daide: Dáamie dibénemo gáifiñeno omoi iri. Daje izói jiáimiena jámairuiñeno dájeze nana íaioimo omoi íñori.

7 ¿Mei ñe come jiáimaci baimo ómoina ñue íñua? Nana omoi onoiga ñúefuiai Juzíñamui fecácaza. Jaca Juzíñamui fecáñegana iñede. Iemona ¿ñibái mei dáamiedo abina íñofiredi omoi? Abina íñofiredimie: “Cue comeci jítaina izói cuemo fecácaza,” daiífiredede. Mei íeñedeza. Omoi dani fécañegaza. Mei jira áfedo abina ínonidi omoi. Nana caimo ite ráaniaimona dani cai ocuilla izói iñede. Nana Juzíñamui caimo fecaca.

8 Birui ja “Nana Juzíñamui caimo fecáacagafuiai ja cai ógaza,” daií comeciidi omoi. Nana omoi jitaica ráaniai ñibai ja omoi oga. Nana omoi onóacaga ífuiaina ñibai ja ñue baitádi omoi. Ñibai ómoina cai canóñenado ja illáicomina jáidi omoi. Mei íadi táinodo abi ínoti omoi. Iemo afe llezica cai bie

jalléiñedicaí. Mei íadi ómoína: “Ua illáicomínina omoi ii,” daídícue. Afe daí caí bie omoi díga dájena illáimaiticaí.

⁹ Caí bie Cristo orécamíai jino írainomo Juzíñamui fiécacaí. Caí bie lláviano tíitino izóidicaí. Jira caí bie nana énie nairai acárilla raa izóidinona jáidicaí. Iemona nana comíní naa Juzíñamui abí imácri caimo éroitiaíoi, mei afémaci abí fáiacaitadinodicaíza.

¹⁰ Cristo rafue caí llócaillamona caina jáíimaci “Abína onóñediomoi,” daídíaíoi; mei afe llezica “Cristodo ráfuiaina baitádinodicaí,” daídíomoi. Omoi ríiredinona illa llezica, caí bie ríinidinodicaí. Caina comíní jámairuilla llezica ómoína ñue jacíruitiaíoi.

¹¹ Mei jaíai nai biruimo júbieri duere zefuídicaí. Daje izóí caí jirole jaínoi iñénari jáí duere zefuídicaí. Daje izóí figo inícuironidicaí. Daje izóí comíní caina fiéni finódiaíoi. Uái caí illino iñede.

¹² Aillo caí táíjinamona iere llégidicaí. Iemo comíní cairi jaínónaitimaci; mei íadi íaíoina Juzíñamui canolle uaido fairíoticaí. Caina fiéni finóllena racádiaíoi; mei íadi ocuídicaí.

¹³ Cairi fiénidifuedo úritiaíoi; mei íadi afe comínina comeci mánainafuedo fáicana llófueticaí. Afe llezica oni dotaca íáirede raa dota izóí, afe izóí caina ráfiñedinona caina mámano náfueñediaíoi. Nai biruimo cuidoda oni faíga íáirede raana caina mamédiaíoi.

¹⁴ Bífuiaina omoi meáidaillena cueñédícue, mei jáíáfodo omoi ñue íllena rairuíllano, llotícue, mei cúemona izíruíga jíótíai izóídiomoiíza.

¹⁵ Mei cómemona facádonide Cristo ráfuenta

llófuetino ómoimo ite íadi, nai omoi íinogafue tainédimie daade. Cristo Jesumo omoi íinollena, omoi moo izói omoi comuitatimiedicue, mei cai jílona uaina ómoimo llotícueza.

16 Ie jira ómoimo cue cíotaga cai ñue illífuedo omoi jáillena, izire jicádicue. Daje izói cue llogáfuedo omoi jairi daidicue.

17 Afedo omoi jáillena, Crístomo cue íinotaga Timoteo ómoimo orédicue. Afémie cue izíruiga jító izóidimie. Afémie, Crístomo cue íinuamona cue lloga ñue cai illáfueña ómoimo úbicaitaite. Afe bie afémie ómoimo llujíllifue izói, afe izói nágagobiaimo ite Juzíñamuimo íinotimacimo, cue jíái llófuefiredicue.

18 Omoimona dáarie abina íinuano, daidíaiói: “Pablo caina éroizaibiñeite,” daidíaiói. (Afe izói dáiñado cue uaina uáitaacadíaiói.)

19 Mei íadi cai Ocuíraíma Jesucristo comeci jítaiadi raire omoi cue méíñuaillena ocuírídíicue. Iemo cue billíruimo afe abina íinotimaci ñie ñúefue jíáímacimo finódíaióiza, afefue cue onóillena fácaíticue. Afedo íaiói ñuera ríino ite, ñibai íñédeza, ónoíticue. Aillo íaiói úrilla uaina náfueñeíticue.

20 Mei jíí, fia cai úrilla uaido, Juzíñamui illáímana illáruimo jaináitañegacái. Mei jíáífodo Juzíñamui Ñuera Joreño ríinodo cai comeci itífue méiduoño ie illáímana illáruimo jaináitagacái.

21 ¿Mei ñie izói óiacadiomoi? ¿Mei ñibai ómoína duere cue fínuaíbillana óiacadiomoi? ¿Ñibai izíruillafuedo comeci mánainafuedo ómoimo cue éroizaíbillana óiacadiomoi?

5

Pablo fiénide meáifue finódimie duere finóllena llote

¹ Ja birui omoi cígimo ite iere fiénide jiruífuena comini cue fidítatiaioi. Omoimona dáamie ja ie moo ogango dama ie aina ote. Afefue iere jamánomo meáirede. Afe izoide fiénidífueña Juziñamuina ónoñedimaci jaca rairuídiaoí.

² Mei íadi bie izói ómoimo illa llezica jnai omoi iere abina ñnofirediomoí! (Afe izói omoi illa iere figóñede.) Mei jiáifodo áferi iere zuure írediomoí. Daje izói áferi meáidarediomoí. Bie izói jiruiredimie omoi cígimona mai oni ore.

³ Náamiena omoi diga dama cue iñédicue, mei íadi afefue dibénemo cue comeci facáoinana ñue onódiomoiza. Ie jira afe bie jiruiredimie ie duere finóllena jae cai Ocuíraima Jesucristo mámeçido ocuídicueza.

⁴ Iemona Jesucristo mámeçido dánomo omoi gairízailla llezica, íemo cue comeci facáoinamo ñue omoi uibíoicailla llezica, íemo jiái cai Ocuíraima Jesucristo omoi cígiri ríinorena llezica,

⁵ mai afe ímana ómoimona jino dótano Taifena náamataga comínimo íena omoi zóoferi, ie abi fieni jítainafuai niné táinocaitallena. Afemona cai Ocuíraima Jesús billíruimo afémie joreño jíllobicaiteza.

⁶ Afe íaifue nai ómoimo illa llezica omoi ñue íáininana illa izói abí ñnotiomoí. Afe abí ñnuana figóñede. “Mei daa cómemo ite íaifue aillo ie abímo itímacina íáiretaiteza.” ¿Comini daína uaina onóñediomoí? Afe uai daide: “Pan finóadi afe aillo

fáitate raa tamédiaioi. Due jiza fáitatena jóonega íadi, nana afe magáfecina aillo fáitate.” Afe izói daa come finoca íaifue aillo ie abimo itímacina íaire finode.

⁷ Iemona ómoína fiēni finode come ómoimona oni jica orerī, mei afēmie jácaie pan fáitara izóidimieza. Ie jira afe fiēnide méaifue ómoimona ñue muiñori, ñue jaícina íaifuenidímacina omoi íllena. Iemona fáitatena jóoneña comue pan izóidinona íitiomoi. Ja onódicueza, afe bie izóidino ua itíomoi, mei Cristo nana cai ícoinia fagámiena jáideza. Afēmie cai ifomo fatá Juzíñamuimo fecaca oveja jiza izóidimie, caimo ite íaifue oni dólleña. Afēmie pascua rafue illa llezica cai uibíoigamie. Ie jira bie íaifue oni omoi fáinocai; mei íaifuemona muiñoćanona cai íllena, Cristo tíideza.

⁸ Iemona nágarui cai illáfuemo táinona úriñede comécido mai cai illi. Daje izói ñúefuiairede comécido mai cai illi. Afe izoide comeci fáitate raa jóoneña comue pan izoide. Mei jíáifodo íairede comécido cai íadi, daje izói éoicaide comécido cai íadi, afe izoide comeci jácaie pan fáitate raa izoide. Afe izói mai cai íñeilli.

⁹ Naui ómoimo cue cuezábemo ómoína daídicue: “Bie izói jiruírede comínimo nabáiriñeno iri.”

¹⁰ Biniemo jaca jiruiredino ite, daje izói iere ráanaiacadino ite, íemo merírifiredino ite, íemo jánarai íóbitadino ite. Bimaci diga omoi nabáiriñeillena lloñédicue. Aféfuena rairuídicuena biniemo oni jáirediomoi. Mei íadi afe izói ocuñédicue. Mei íadi onódiomoiza, afémaci illa izói ínidíomoi.

¹¹ Mei ómoína cue daíacanafue jíáifo jóide.

“Crístomo ñnote omoí ámadicue” daidímie íadi afémie jiruíreniadi, afémie diga nabáiriñeno iri. Daje izói afémie iere ráanaiacania afémie diga nabáiriñeno iri. Iemo dáamie jánarai íóbitaadi, íemo afémie jáimana fienu úrifireia, ie jífaireia, íemo ie merírifireia, afe izoide “Crístomo ñnote omoí ámadicue” daidímie diga nabáiriñeno iri. Iemo jái bie izoide come diga omoí güiñeno iri.

¹²⁻¹³ Bíníemo ite ñnoñede fiénidinomo itifue riire cue jicánolle cuemo dúiñede. Mei íaioimo fienu itífuiaí dama Juzíñamui riire jicánoteza. Mei jáífodo omoí dani ómoímo jaináidinona riire jicánoredíomoi. Ie jira afe bie fiénidífuiaíredímie omoí cígimona oni oreri.

6

Juzíñamuimo ñnotino júfidogafuiaí oni ñnoñedinomo llujínide

¹ Dani ómoímona dámie jáímamo júfidogafue comuíadi, ¿nibái mei oni jáímacímo afefue záitallena jáidíomoi? mei afémaci cai ñnogafuemo jaináíñedímaci. Dani omoí cígiri ite Juzíñamuimo dúidínomo jicáredíomoi, o júfidogana jáícina záitallena.

² ¿Nai onóñedíomoi Juzíñamui iédino nana bínie comíni itífuena riire jicánoitíai? Mei uire bínie comíni riire jicánoitíomoi, ¿nibái mei omoí cígiri ite dúefuiaína raire záitanidíomoi?

³ Iemo jái, ¿nai onóñedíomoi za Juzíñamui abi imaci, ángeles daínámaci, itífuiaína riire jicánoitícai? Mei uafue Juzíñamui abi imaci

itífuiaina riire jicánoitíomoiiza, ómoimo ite bínie ífuiái raire záitallena ómoimona juánide.

4 Bie cai illáfuemona comuide júfidogafuiái ómoimo comuíadi, ¿mei nibái mei Juzíñamuimo gairídino dibénemo iñédinomo lluájifiredíomoi, afefue jaícina ómoimo finóllena?

5 Bie izói ómoína daidícue omoi méaicaillena. ¿Mei nibái omoi cígiri ámatiaimo comuídifuena jaícina fínuana baitádimie iñede?

6 Ja biruí da ama jíáimamo júfidogafue comuíadi, Juzíñamuimo ínoñede jaícina finóraima uícomo lluájifiredíomoi. ¿Meita bie izói írede? ¡Inide!

7 Uáfodo onóigaza, nanómona daa júfidollífue omoi cígiri comuíadi, jíáie o ñue illáfuenta táinomo fáifitaite. (Daje izói o júfidogafue Juzíñamui ífuenta jámairuitade.) Daa cáimona dámie fiéni o finóadi, afe iba o óñeille baímo ñuera. Daje izói daa come cue raa jífuiano baíróadi afe meine cue óñeille iere baímo ñuera.

8 Mei jíáifodo fiénidífue fáicanocaiño, daní omoi ámatiaimo fiéni finódíomoi, íemo jíái omoi ámatiaína jífuiano raana baírófiredíomoi.

9-10 ¿Nai onóñediomoiiza? nana jíáimana fiéni finódino Juzíñamui illáimana illíruimo dúcíñeitiaíoi. Omoi jífuefiño iri, mei naga fiénidino Juzíñamui illáimana illíruimo jáinaíñeitiaíoi. Daje izói áireiño jíáie ringo jetádino dúcíñeitiaíoi, íemo jánaraina íóbitadino, íemo jíruífueredino, íemo jíáie íima díga fiéni itímíai, íemo merírifiredino, íemo iere ráanaiacadino, íemo jífáifiredino, íemo jíáimamo

fieni úritino, íemo jífueta bairófiredino; nana éniemo ite bie izoide comini Juzíñamui illáimana illíruimo dúciñeitiaioi.

¹¹ Naui ómoimona dáarie bie izoide. Mei íadi ja birui Jesucristo ñue íainino finócaomoi. Daje izói Juzíñamui íeiena ñue mamécaomoi. Afe izói Moo Juzíñamui Ñuera Joréñodo, íemo jíái cai Ocuíraima Jesumo omoi íinuado Juzíñamui anamo ñue jaícina itábicaidíomoi.

Cai abí Juzíñamui eróicana iere ñúeraza áfena íaidonidícai

¹² Comini daiífrediaioi, “Cue bie cue comeci jitailla izói íredicue.” Afe uafue, mei íadi naga íaíoi comeci gáinafue íaíoina ñue finóñede. Uáfueza daa come dama ie comeci jitailla izói írede, mei íadi afe comeci jitaíllafue íena anáfenotanide.

¹³ Mei uáfueza: cai güille, cai jébeíoi ie; daje izói cai jébeíoi güille íena finoca. Mei íadi jíáiruido Juzíñamui nágaillinoi güille naa jébeíoi diga jíáífo do méidoite. Mei íadi “Bie cai abina jiruífue íena mameca,” daiínide, dáarie daií daiífrediaioi íadi jmei afe uáfueñede! Bie cai abí cai Ocuíraima ie. Afe íbana cai Ocuíraima cai abímo dúide, cai ñue rairuíoicaillena.

¹⁴ Íemo Juzíñamui cai Ocuíraima Jesús cáadimíena jáitate. Afe daií ie fínua izói, afémie dama ie ríinodo cáadimacina caina mámeite.

¹⁵ ¿Onóñediomoiza ómoimona illa dígamie ie abí dama Cristo abímo dúide? ¿Meita Cristo abímo dúidímie jiruíredíngomo dájena jóoneredicue? ¡Jaca jóonenide!

16 ¿Mei nibai jiáifue onóñediomoiza, dáamie jiruiredingo diga íadi afémie abi daa afengo abi izóicaide? Mei jii Juzíñamui Cuegáuai áirenafue dibénemo bie izói daide: “Íima ie ai diga afe íaillinoi dámiena ja mameide.”

17 Afe izói dáamie cai Ocuíraimamo dájena jaináiyadi, afémie dájena joreñoredimiena jaide.

18 Iemona mei jiruífuemona oni omoi iri. Nana jiáie cai finoca fiénidifue cai abina figo íáiñede, mei íadi áireiñeno jiáie ringo diga jiruifue cai finóadi, cai abina bácadicai.

19 ¿Mei onóñediomoiza, omoi abi Juzíñamui caimo iga ie Ñuera Joreño illano? Iemona afe Ñuera Joreño jaca omoi diga íteza. Omoi abi dani ómoieñedeza, Juzíñamui ie.

20 Mei omoi abi Juzíñamui jamánomo ráifidena íbácaza. Mei jira cai abido Juzíñamuina íóbitaredicai, íemo jiái daje izói caimo ite joreñodo íena íóbitaredicai, mei afe bie cai abi naa cai joreño diga Juzíñamui íeza.

7

Pablo come áirenafue llófuete

1 Ja omoi cuemo jicánoga uallai afe íbádiuai llóiticue. Uáfueza dámie áireiacañenia dama illa figura.

2 Mei íadi aillo jiruifue íteza, naga íima áirede. Daje izói naga ringo inírede.

3 Airedimie dama ie ai afémie diga íacana dieze, afémie írena. Iemo daje izói iníredingo ie ini afengo diga íacana dieze, afengo írena.

4 Iníredingo “Cue abi daingo cuemo dúide,” daiñide. Afengo abi ie ini íeza. Daje izói áiredimie “Cue abi bie dama cuemo dúide,” daiñide. Ie aimo jaináideza.

5 Hima ie ai diga íacania ráiruiño jieruiri. Daje izói ringo ini diga íacania ini ráiruiño jieruiri. Mei íadi nibai jiáiruido da come ie ai diga nano nígarui iere Juzíñamuimo íaillinoi comeci facáacana llezica, aféruillaído dájena iñédiaillinoina ñuera. Afe mei nane raire meine dájena írediaillinoi. Mei are dájena íaillinoi jáicañenia, abi jitáinafuenta ocuíninamona fiene íllena Taife íaillinona facátaiteza.

6 Bífuiái caimare ómoie íllena lloticue. Riire lletara uai daina izói lloñédicue.

7 Cúemona nana comini cue áinino cue illa izói itíaiñoina, ñuera. Mei íadi Juzíñamui illa dígamiaimo jiáifoide ocuilla ríino fecade. Dámie áinino dama illa ocuírede. Jiáimie áinino dama illa ocuínide.

8 Ja birui áinidinomo naa fecínguai diga úriticue. Damádimie dama cue illa izói itíaiñoina ñuera.

9 Mei íadi dámie ie abi jitáinafuenta ócuiñenia afémie raire áirede. Daa come ie abi jitáinafue íena anáfenoa fiénide, íemona raire áirena ñuera.

10 Mei íadi áiredino iníredino diga afémacina bie izói ocuídicue. Iníredingo ie inina jaca dotánide. Bie ocuilla uai dama cúeieñedeza, cai Ocuíraima Cristo ie.

11 Mei íadi iníredingo ie ini dotáadi afengo daingo írede; mei jiáifodo afengo afe daí íacañenia, afengo meine ie ínimo abido bírede. Daje izói áiredimie ie aina jaca fáicanocainide.

12 Iemo jiáifue dibéfodo cai Ocuíraima úriñedeza, dama cue ñue fibíllafuemonna úriticue. Daa Jesumo

ñnotimie mo nai ñnoñede ai íadi, íemo afengo nai afémie diga íacana llezica, afémie afengo diga írede. Afémie afe ie aina dotánide.

13 Daje izói daa Jesumo ñnotingo ie ini nai Jesumo ñnoñede íadi afémie afengo diga íacana llezica afengo afémie diga írede. Afengo afe ie inina dotánide.

14 Mei jii, Jesumo ñnoñede áiredimie Jesumo ñnote aimo jaináillamona Juzíñamui ñue finócamiena jaide. Daje izói Jesumo ñnoñede iníredingo ie Jesumo ñnotimie mo jaináillamona, Juzíñamui ñue finócamiena jaide. Afe izói iníredinga, omoi jítótiai ñnoñedino úruiai izói itíai. Mei íadi afe izói jóoiñede. Afémaci Juzíñamui ñue finócaiai. Mei íadi afe izói jóoiñede. Afémaci Juzíñamui ñue finócaiai.

15 Mei íadi Jesumo ñnoñedimie izire ie aina oni oréacania, dama daiítadeza; orérede. Daje izói Jesumo ñnoñedingo izire ie ini fáicanocaiacania, dama daiítadeza; fáicanocairede. Aféfuena júfidoñoeno iri, mei Juzíñamui “Nágarui uái omoi ífireiri,” caina dáideza. Bie izói íficaiadi Jesumo ñnote ama naa ñnote miringo diga rairuínino afe ñnoñedimie mo jaináitanide.

16 Mei íadi Jesumo ñnote iníredingo cácarei. Nai ónoñegaza níbai odo o ini jílloite. Daje izói Jesumo ñnotimie cácarei. Nai ónoñegaza níbai odo o ai jílloite.

17 Iemona illa dígamie dama Juzíñamui íemo jóonia izói, afe izói nágaruillai írede. Iemo, fueñe Juzíñamuimo cai ñnua llezica aféruimo cai táijina izói, afe izói nai birui táijiredicai. Bie izói nana Jesumo gairídinona ocuídícue.

18 Dáamie Juzíñamuimo íinua llezica ie bacano icoi quetátañenia, dama daiítadeza; quetátañeno iri. Daje izói jiáimie Jesumo íinua llezica jaiái quetácaza dama daiítadeza; jiáifodo júfidoñeno iri.

19 Dáamie ie bacano icoi quetaca nibai quétañega áfena náfueñeno iri. Mei jiáifodo Juzíñamui comeci jítainafue jeire cai olle iere ráifina.

20 Illa dígamie fueñe Juzíñamuimo ie íinua llezica aféruimo ie illa izói, afe izói nai birui írede.

21 Aféruimo jiáima jeruícamiena o ia, áfemo járitañeno iri. Mei íadi afe ímamona oni o jáillino o báia, áfena maiñori.

22 Mei jii, dáamie como fueñe Juzíñamuimo ie íinua llezica, aféruído afémie jiáima ocuífiregamie. Ja ie íinua mei Juzíñamui dibéfomo afémie bu ráiruiñegamiena jaide, cai Ocuíraima táijinafue ie finóllena. Mei daje izói jiáimie como fueñe Juzíñamuimo ie íinua llezica, aféruído afémie bu ráiruiñegamie. Ja ie íinua mei Cristo izire ocuífiregamiena jaide.

23 Juzíñamui iere ráifidena íbácaomoiza. Iemona jiáima riire ocuífiregamiena omoi íñeno iri.

24 Amatiai, omoi cácarei, ómoimona illa dígamie como fueñe Juzíñamuimo ie íinua llezica, nanómona ie táijina izói, Juzíñamui eróicana áfemo táijifireiri.

25 Mei birui nahí áinidino naa ínindíngotiai díga afémaci ífue llóitícue. Afémaci cue lletalle uaina cai Ocuíraima cuemo lloñede, mei íadi cue fibíllamona cue onoiga uai llóitícue. Mei Juzíñamui cue cánuado cue lloga uaina ínoredesa.

26 Mei birui iere jacírediruillaiza, cúemona bifue ñue cioide: daa come birui ie illa izói jiáifodo méidoñoeno írede.

27 Mei birui ja áiredio, afe mei áinidimiena abina maméñoeno iri. Mei daje izói, birui nai áinidioza, mai ringona oñoeno iri.

28 Mei íadi o áirenia, afefue fiénidifueñedeza. Daje izói daa jitaingo inírenia, fiénidifueñedeza. Mei íadi biruillaido naga áiredimie naa iníredingotiai diga íaiói illafue áinidimaci baímo iere juárede. Afe bie júaredifuiaimona ómoína rairuíacadícue.

29 Amatiai, ómoína cue daiíacanafue bie izói jóide. Biniemo Juziñamuina cai ióbitallirui aréiñede. Ja benómona cai illífuena jiáifodo maméredicai. Birui áiredimie, áinidimie izói írede, raire jiáimaci jacíredifuemona cánuaillena.

30 Daje izói come tíllamo zúunaitino birui zúunaiñedino izói írediomoi. Daje izói caimare iráizizaidino ja birui caimátaiñedino izói írediomoi. Daje izói nana ráaniai íbáritino ja birui íaiói íbaca raana “Cáieñede” daiífirediomoi.

31 Iemo bínie ráaniai fecáfiredino, daje izói afe ráaniairi caimátaidino ja birui afe ráaniaimo figo járitainidíomoi. Mei bie cai ciona énie naa ie ráaniairi ja fúioicaideza.

32 Omoi gágudifuiaimona oni ómoína óiacadícue. Dáamie nai áinina llezica, cai Ocuíraíma ífuiaimo járitairede, cai Ocuíraíma ióbitallena.

33 Mei jiáifodo áiredimie ie ai ióbitallena, bínie ráaniairi járitáifiredi. Iemona afémie mena ocuídímie anamo ite izóidemona, ie finóacagafuiaina finónide.

34 Ringóniáimo jiái daje izóidifue ite. Nai iníndingo cai Ocuíraíma ífuiáimo járitaite. Afengo joreño naa ie abí diga Juzíñamui íena iere íacade. Mei íadi iníredingo ie ini ióbitallena bie énie ráaniairi járitaide.

35 Ñue omoi íllena bífuiaí ómoímo llóiticue. Omoi áireiacanafuena rairuíacañedicue. Mei jiáifodo comini eróicana ñue jaícina omoi illífuenta jitáidicue. Iemo jiái cai Ocuíraíma Jesús ocuícáfue jizíñeno jeire omoi óllena, bífuiaí ómoímo llóiticue.

36 Mei ómoímona daa come comécido daía: “Cue jicánogango díbenedo ñue jaícina finóñedicue,” íemo afe llezica afengo are dinó jitáingoñeiteza, afémie comeci ñue faca izói, izire ie áireiacana izói áirede. Ie jicánogango ie olle fiénidifueñedeza, afe íaillinoi áirena rairuínide.

37 Mei íadi jiáimie jiáifodo comeci facáadi, mei afe ñuera. Ie jicánogangona ie aina ie óiacañenia daje izói afefue jiái ñuera; mei afémie ie jicánogango raire óñeillena ie comeci ñue daína izói, jica ia ñue mamédeza. Afe izóidifue íaífueñede.

38 Nana búuailaímona bie izói onódicai. Jicánogango otímie ñúefue finode, íemo jicánogangona oñédimie afe baímo ñúefue finode.

39 Iníredingo, ie ini nai caana llezica, ie inimo cuinaca izói jainaide. Mei íadi ja ie ini tilla mei, afengo bumo jaináíñede. Jesumo ínote afengo gáigamiemo iníreirede.

40 Mei íadi cue comeci faca izói, afengo meine nane iníreiñedena baímo caímare íite. Bie uai ómoímo cue llua llezica, Juzíñamui Ñuera Joreño cuemo ite izoide daídicue.

8

Jánarai íena mameca rílleniai ifue San Pablo llote

¹ Ja birui omoi jicánoga jiáifue llóiticue. Jánarai ióbitallena fia fecaca rille ifue llóiticue. Iere uáfueza, bífuiaimo fibídicaiza. Mei íadi cai onóigafuemona cai abi fieni ínuana aillo comúitate. Mei jiáifodo jiáimana cai izíruillafue nana comínina náirecaitate.

² “Baitádimiedicue” daidímie Juzíñamui ie onótaacanaze nai onóñede. Nai abina onóñede.

³ Mei dáamie Juzíñamui izíruia, afe íbana Juzíñamui ñue afémiemo éroite.

⁴ Mei ja birui jánarai ióbitallena fia fecaca rille ifue llóiticue. Omoimona dáarie bie izói daidíaiói: “Afe rílleniaina ríri” daidíaiói. Jiáimaci “Ríñeno iri” daidíaiói. Fueñe bífuiaimo omoi cácarei. Mei ñue onóigaza bie jánarai nahí ráañede, ráifiñede fia raaza. Daje izói ñue onóigaza jiáie Juzíñamui jaca íñede. Juzíñamui jaca daade.

⁵ Mei comini, monamo aillo ite juzíñamuillai daííadi, daje izói biniemo jiái aillo juzíñamuillai ite íaiói daííadi, íeñede.

⁶ Mei íadi cáimona cai Moo Juzíñamui jaca daade. Afémie baimo jiái juzíñamui íñede. Uáfueza comini juzíñamuina mameca taino juzíñamuillai aillo ite. Daje izói íaiói mameca Juzíñamui jabóidíllaini aillo ite. Mei íadi cai onoiga daade Moo Juzíñamui naga ráaniai finódímie. Iemo bie cai afémie íena itícai. Iemo jiái cai Ocuídímie daade; afémie Jesucrístona. Afémiedo naga raa comúitaga. Cai jiái daje izói afémiedo comúitagacai.

⁷ Mei íadi nana comini nai bífuiaina onóñediaíói. Dáamierie nai jánaraina ióbitajana fibídíaiói.

Afémacimona taino juzíñamuimo fecaca güllena, “Bie güille cai juzíñamuillai ie” comeci anado daidíai. Dai íai comécilla mei áfena ritíai. Iemona afe taino juzíñamuillai güllado íai ifoci úrillana bacadíai, mei íai ñnogafuena nai figo baitáñediaiza.

⁸ Mei uáfueza, fia cai gülgado Juzíñamui caimare caina uáidoñede. Cai güia, ñbai cai güñeniadi áfena Juzíñamui lloñede. Cai güiadi, afémie íena caina caimare finoñeite. Daje izói güñeiticai íadi, caina fieni finoñeite.

⁹ Iemona ja onódicaiza rairuíño güiredicai. Mei íadi afemona abí omoi rairuíocairi, mei dáarie íai ñnogafuena nai figo baitáñediaiza. Jánaraimo fecaca rille o riana íai fidíadi, afémacina fiénidifuego baitatio. Afemona abí omoi rairuiri.

¹⁰ Afe bie güille ráiruíñegaza onódio. Iemona jánaraimo dúide güirácomo güizájidio. Afe llezica ñnogafuena nai figo baitáñedimie o güllana cióadi, afémie dáite: “Cue jíai cue güizájiticue,” dáite. Mei íadi afémie dibénemo, taino juzíñamuillaina jacíruillano afémacimo fecaca güille güite. Dai ie íllamona dama ie comeci úrilla bacadé.

¹¹ Iemona o ñue onóigafuedo, figo baitáñede o ama fiénidifue diné féiraitadio. Mei íadi Cristo jíai afémie jíllloillena tíide. Jira o afémie féiraitalle fiénide.

¹² Afe jira, ñnogafuena nai figo baitáñedimie fiénidifuego afémie o ifóadi, áfedo Cristo fieni finódio.

¹³ Ie jira rille cue ria ícoñia cue ama fiénidifuego cue baitaiza, ja benómona jaca ríllena

ríñeiticue. Daií cue illa jamánomo ñuera, afémie fiénidifuemo cue báitañeillena.

9

Jesucristo orécamie buna ráiruñega

¹ Ñue onóigaza, nana jiáie Jesús jiáinomo orécamiaí izói, rairuínidicue. Mei cai Ocuíraima Jesuna afémaci íena ciona izói, íena jiái ciódicue. Iemo jiái omoi dani Jesumo íinogano cai Ocuíraimamo cue táijnamona comuide.

² Jiáimaci, “Bie Pablo Jesús óreñegamie” nibai cuena dáitiaoí. Mei íadi afe izói cuena daínidíomoi, ómoína cai Ocuíraimamo ja ínotadicueza. Iemona omoi dani Jesumo íinuamona, cuena bie uáfueña Jesús orécamie daítaite.

³ Omoimona cue uáitatino uaina bie izói óiticue.

⁴ Juzíñamuimo gairídino cuemo fecaca güille naa jirolle diga áfena cue llínolle bu cúemona rairuñede.

⁵ Daje izói jítaidicuenta jiáie Jesús orécamie finua izói, Jesumo ínotingona cue aina óredicue, cue diga jáicaillena. Iemo afengo jitaille güille daje izói ómoimona llínoredicue. ¿Ero ua? Ua, cai Ocuíraima Jesús ámatiaí naa Pedro diga, ringo ua izói, cue jiái afe izói ringona óredicue. Iemona afengo ómoimona ecárede.

⁶ ¿Mei omoi ñie izói comeci facádíomoi? ¿Nibai coco dáaillinoí cue nabai Bernabé diga, nanómona coco ónoído táijnafueña fáicanocainidíococo, ñúefue coco llujállena? Mei íeñedeza.

7 Mei daje izói ¿nie fuiríraima dama ie güille diga jáirena? Jáinide. Jaca afénomo ecácaza. ¿Nie come jíricona ríadi áfemona afe llizíllajina afémie riéñede? Jaca afe izóidimie iñede; jaca afémie aféjiaina riéfirede. ¿Mei nie ovéjaiai úiñotimie ie úiñoga oveja monoi omida afémie jiróñede? Jaca afémie áfeji jirófirede.

8 Fia come daina izói bífuiai cue llua daíi omoi comeciñeno iri, mei jaiai Moisés cai ocuilla uai daje izói dáideza.

9 Afe ocuilla uai cuiánicomo daide: Arroz izoide trigo, juráreto gájirillena záizia llezica, áfemona íaioi güilleza fue maiñeno iri. Ñue onóigaza, bífuenta Juzíñamui dama juráreto jíicana daíñedeza,

10 mei jíáifodo biedo Juzíñamui cai llote. Bie ocuilla uai cai ñue íllena cuega. Mei jíi, jacafai tíeraima afénomona llizide raana otá güirede. Daje izói trigo gájirillena juráreto zaizítatimie áfemona otá güirede. Afemona afe íaillinoi güíllena caimare ocuírídiailinoi.

11 Iemo ritímie rífirega izoide Juzíñamui uaillai ómoimo fueñe lloticue. Ie mei birui ómoimo ite bínie ráaniai abido cue maiñolle figura. ¿Mei níbai ómoimona bie áillue izói cíoide?

12 Mei jíáie llófueraini ómoimona íaioi güíllena ófirediaioiza, ie mei bie cai afémaci baimo fia ecáregacai.

Mei íadi bie daina izói cai güíllena ocuíñedicai. Mei jíáifodo ómoimo ñúefue lluaíbiticue. Nana cue jitaiga ráaniai dama cue íbaca. Omoimona minícana fia oñédicue, cue lloga Cristo daina uaina omoi ruifíruiza daíi.

13 Mei jii, jiáifue ñue onódiomoiza, nana Juzíñamuimo gairíracomo táijifiredino afeco ie güílledo írediaioi. Bifue bie izói daiíacade; nana Juzíñamui ióbitallena fecaca rille jobáiranomo táijifiredino, afénomo fecaca rillemona come jitáillaze otá rírediaioi.

14 Mei birui cai Ocuíraima daje izói ocuide. Nana jílona uai llócaidino, íaioi llófuega comínimona güílvena otá güírediaioi.

15 Mei íadi cue bie daina izói jaca finóñedicue. Daje izói bie cue cuezábedo ómoimona minícana fia jicáñedicue. Güille ómoimona cue jicáñenamona júbieri tídicuena, afe figo cuemo ráifíñede. Raiñóñeno bie ñúefue cue llujáiri iere ióbidicue. Afe bie cue ióbillafue cue tilla baimo jamánomo ráifide.

16 Jílona uai cue llócaillado abina ínnonidicue, mei afe llócaillena jónegacueza. Bifue llócañedicuena jñii duere cue zefuilla!

17 Ie jira, dama cue começi jitailla izói bífuena cue llócaiaði, Juzíñamuimona jirídoredicue. Mei íadi afe izóiñedeza. Juzíñamui cue níziano bie ñúefue cue llócaillena cue jónete. Afena cue jaca jámairuinidicue.

18 Iemona daií cue llócailla jirídua jiáifodo jóide. Nie afe cue jirídogo daiítana fia cue ióbillafue; mei raiñóñeno bie ñúefue cue llujáillari iere ióbidicueza. Nana cuemo dúide táijinana íbatañedicue. Uai llóraima izói cue táijinamona, cuemo dúide ráaniai ómoimona raiñóñeno fia oñedicue. Aferi iere ióbidicue.

19 Mei comínimona buna ráiruiñegacue, mei íadi

nana comini ocuillimiena abí mamédicue, baimo aillo comínina Crísto cue jaináitallena.

²⁰ Judíuai cígimo cue illa llezica, judío ímiena abido jáidicue, afémaci Crísto cue jaináitallena. Bie izói daina, Moisés ocuica uai anamo itínona Crísto cue jaináitallena, afe Moisés lloga uai anamo abí jóneticue. Mei íadi uáfueña afe ocuica uaimo dúñedicue.

²¹ Iemo jiáinomo, afe Moisés ocuica uai anamo iñédinona Crísto cue jaináitallena, íaioi izóidimiena jáidicue. Mei íadi uáfueña Cristo uai anamo cue íllamona Juzíñamui uai anamo iticue.

²² Juzíñamuimo ínogafueña nai figo baitáñedino cígimo cue illa llezica, afémaci izói abi mamédicue, afémaci Crísto íaioi ínogafue cue mónaitallena. Bie izói daina, nana comínimona illa dígamie íaioi illa izói íacadicue, mei nibai jíáfodo íaiomona dáarie cue jíllotallena.

²³ Nana bífuiaina finófiredicue cai jíllona uai jica jalléillena. Daje izói bífuiái finódicue, ñuera cai jíllotate uai caimo onótaga núfuiaina cue maiñólleza.

²⁴ Ja onódiomoiza, jíáimacimona aillo comini áizia, illa dígamie fia jíridoga raana oñede. Dáamie jíridote. Mai riire omoi aizi, jíridolle raa omoi jíridolleza.

²⁵ Nana jífanuafuemo maméritino, jífanoiacana uícodo abina náinitade raana fímaidiaíoi. Afémaci iere abina fímaidiaíoi, raire zábifirede raa íaioi jíridollena. (Mei aféruillaído íaioi jíridoga rábiai finoina ifo icuifoí are íñeno raire etúdeza.) Mei

íadi jíáimaciri fuírrienailla izói, riire nícidotícaí, jaca ninomo zábinide raa cai maiñóllena.

²⁶ Cue dibénemona uínidímie izói ebena aiziñedicue. Iere níciduano, come jana fatímie izói táinona fañedicue, mei íadi comíni ñue ínnotallena riire nícidotícaí.

²⁷ Mei jíáifodo abi fímailla izói cue abina duere finódicue. Daíí abi cue rairuíllamona dama cue abina ñue jíeruitadícue. Bie izói finóicaídícue, jíáimací cue llócailla mei, ruifíruillano Juzíñamui jino cue dótañeillena.

10

Jánaraimo caimátaiñeno lleta uai

¹ Cue ámatíai, bífuena ómoína fidítaacadícue. Nana cai jaiáidígíma Juzíñamui jónega mona uílliena eroide raa anado jáioicaídíai. Daje izói nana afémací Jáírede Monáillaina ruica jaitádiaí.

² Daíí íaií jáillamona afe mona uílliedo, daje izói monáillaido dájena Moiséoiri jaináitagaíai.

³ Daje izói nana afémací Juzíñamui monámona cocítaga güille güífredíai.

⁴ Iemo nana afémací afe Juzíñamui nofícimona totátaga jainoi jirófredíai. Mei íaií jáioicailla llezica afe íaií nabáioicaide jamánomo riirede nofící llócuca jiródíai. Afe nofící daína Cristo.

⁵ Mei íadi afémací nabézie Juzíñamuina ióbítañede. Iemona zaféredízicimo tícoízítíai.

⁶ Nana bífuií cai onóillena daíí íficaide, afémací gaíga fiénidífuiíina cai gáíñeillena.

⁷ Afémacimona dámerie jánaraimo caimátaiñeno iri. Juzíñamui Cuegáuai

íaiói finócafueña bie izói daide: “Afe comini fia ráinaillano güífrediaíoi, jirófirediaíoi. Afe mei náidacaillano rafue finoda záifirediaíoi.” (Daí íaiói jánaraimo caimátaitiaíoi.)

⁸ Afémacimona dáarie jiruírena izói, mai cai íñeilli. Daí íaiói jiruírenamona afémacimona daje monado veintitrés mil dígamie titácaiaíoi.

⁹ Afémacimona dáarie Juzíñamui afémacimo raire járitañenafueña náfueñeno, fiene íena facátatiaíoi. Afemona díga comini Juzíñamui oreca jaio ainica íaiói tilla. Mei jira, afémaci Juzíñamui fiene facátaja izói mai íena cai fácatañeilli.

¹⁰ Daje izói Juzíñamuimo omoi ríiriñeno iri. Mei afémacimona dáarie Juzíñamuimo ríriillano úrioidino titade Juzíñamui abi ímie titácaiaíoi.

¹¹ Nana bífuiái cai jaiáidigimamo íficaide, áfena cíoillano comini bífuiáimona ñue abi cai rairuíllena. Afe mei, cai onóillena Juzíñamui afe bífuiái ie Cuegánicomo cuetátate, afe izóidifuiáimona cai bigímaiaí ñue abi cai rairuíllena. Mei ja birui íirairuillaímo itícaíza.

¹² Mei áfemona, “Ñue ínoticue” daidímie daítadifuemona ñue abí rairuiri, afémaci izói cai báíñellena.

¹³ Omoímo comuide facátaina duere zefuíllafuiái, daje izói nana jíáímacimo comuide, daní ómoiñedeza. Mei íadi Juzíñamui jaca ínofíregamie. Mei onódicaíza, Juzíñamui caímo ite máirie baimo, rírede facátafuedo caína fácatañeite. Mei jíáfodo facátafue comuilla llezica Juzíñamui áfemona omoi jíllóille iona ómoína onótaite. Afemona afe facátafueña ja ñue ocuíredíomoi.

14 Ie jira, cue izíruiga ámatiai, jánaraïmo caimátaillamona oni omoi jirecairi.

15 Ráfuena baitádinomo úrilla izói ómoïmo úriticue, íemo ómoïna cue daiíllifuemo daní ñue comeci omoi facari.

16 ¡Cácarei! Cai Ocuíraïma tíllamo cai úbicaïllena, ñue finoca comunión illácurimona cai jiróadi, Cristo díena dájena caïmare mamécacai. Daje izói afe illa dígamiemo fecaca comuniómo jainaide pan, cai güíadi, Cristo abina dájena caïmare mamécacai.

17 Aillomaci cai íadi, daje pan cai güíllamona daade come abina iticai.

18 Mai Israel nairaï finoca ráfuiamo comeci omoi facari. Juzíñamuïmo fecaca rílleniai ritino, afe fecaca ríllemo dájena mamécaïaïoi.

19 Bie cue dáinamona jánaraï ua raaza dáïacañedicue. Daje izói, afe jánaraïmo caimátaïllena fecaca rille, jíaïe rille baïmo ráífideza dáïacañedicue.

20 Cue daïna bie izoïde: Juzíñamuïna onóñedino fia iga raa afe jánaraïmo íaïoi feca llezica, afémaci Juzíñamuïmo fecáñediaïoi; mei fiénide jóriaïmo fecádiaïoïza. Afe fiénide jóriaï anamo dájena caïmare omoi itábicaïri, daiíñedicue. (Daiítademonona ómoïna rairuïacadïcue.)

21 Fiénide jóriaï ichécoïmona omoi júrua llezica cai Ocuíraïma ichécoïmona jirónidïomoi. Daje izói fiénide joriaïmo mameca rílleniai omoi ria llezica, cai Ocuíraïma mameca comunióna güínidïomoi.

22 ¿Meita cai Ocuíraïmana ríicaitaacadïomoi? Jaca daií íacañedicai. ¿Meita cai Ocuíraïma baïmo ríiredïomoi, afémie duere omoi fínoñellena? Jaca

daií ríinidicai.

Crístomona comuide conímana cai izíruillafue cai rairuíninafue baimo ñuera

²³ Uáfueña daína. Dámie ie comeci jítaina izói fínuana rairuínide. Mei íadi afe izói illa cómena canóñede. Mei uafue, dámie ie comeci jítaina izói írede, mei íadi afe ie comécina mánaítallena ñue canóñede.

²⁴ Dani omoi ñue illifue jenóñeno, jiáimaci ñue illifue jenórediomoi.

²⁵ Fecáriracomo nana fecaca gülleniai jiáifodo o ifoci úrillado jicánoñeno uái daií omoi güiri.

²⁶ Mei nana bínie Juzíñamuimo dúideza naa áfemo ite rílleniairi.

²⁷ Mei jiáiruido Juzíñamuimo íñoñedimie ona: “Güizaibi” daiíadi, jaillano jiáifodo ifoci úrillado jicánoñeno nana o ie écajana uái daií güiri.

²⁸ Mei íadi dáamie: “Bie líciai jae jánaraimo fecácaza,” ona daiíadi, áfena riñeno iri; daií daidímie comeci fieni o fínoiza. Daje izói afémie ifoci úrilla o úaitañelleza.

²⁹ O ifoci úrillana lloñédicueza, afémie ifoci úrilla o zánoñeillena, daií daidicue.

Mei nibai dáamie jicánoite: “¿Níbái mei jiáie come ifoci úrillado rairuícacue?”

³⁰ Nana cue güígari Juzíñamuina: Figora cue daiía, nibái mei jiáima cue güíllari fieni úrite,” daií afémie dáíte.

³¹ Iemona bizóidifue ñuera: Omoi güilla llezica, omoi jírúa llezica, nana omoi jetáacaigafue jeta llezica, mai nana afe omoi finóacaigafuiaiina Juzíñamui ióbillena finori. Afe daií aillo ñúefue íemo nítaitiomoi.

32 Ninó jiáimana oni nibéfodo fiénidifue mo o illáfuedo baiítañeno iri. Ua, judíuaina baiítañeno iri, daje izói judíoñedinona baiítañeno iri. Iemo Juzíñamuimo inotinona baiítañeno iri.

33 Cue dibénemona, nana comínina nana cue finócafuiáido ióbítaacadícue. Dama cue ñue illifue jenóñedicue, mei jiáifodo nana jiáimaci ñue illifue jenódícue, ñue íaioi jílloillena.

11

1 Cristo ciótaga ñúefuedo cue jailla izói, ómoimo cue ciótaga ñue illáfuedo omoi jairi.

Juzíñamuimo cai camátáifirena llezica, ringóniaí jaca jiáimacina lletánidiaioi

2 Cue ámatiaí, ómoimo ñúefue nítaitícue mei cuemo uibíoifiredíomoi za. Daje izói omoi cue llófuiana jeire uano áfedo jáifiredíomoi.

3 Mei íadi ja birui jiáifue na omoi onótaacadícue. Bifue bie izoide. Cristo nana íñiaí ifoci izói Ocuídímie. Iemo nana ringo ie ini ocuica; afémie afengo ifódímie. Afe izói Juzíñamui Cristo ifode.

4 Iemona dáamie Juzíñamuimo úrilla llezica, ie ifoci ibaia, afe ie ifócina meaire finode, mei ifoci ibailla jiáie come ocuilla anamo íllana llóteza. Daje izói Juzíñamuimona onoiga uai afémie llua llezica, ifoci ibailla ie ifócina meaire finode.

5 Mei jiáifodo, daa ringo Juzíñamuimo úrilla llezica, íemo Juzíñamuimona onoiga uai llua llezica, afengo ie ifoci íbaíñenia, afe afengo ifócina meaire finode. Afe íbaíñena afengo ífo itíraí nana cuidoca izoide.

6 Daa ringo ifoci íbaiaicañeniadi mei dáaruído nácina cuidórede. Mei nácina cúidocana, ifoci

ibáiñena daje izói meáirede. Mei íadi ringo ie ifoci naado cúiduana meáiruiadi, afengo ifoci ibáirede.

7 Íñiaí íaíoi ifócina ibáinidiaíoi, mei íima Juzíñamui jánana eróideza. Daje izói íima Juzíñamui ñue ocuilla ríinona jino cíotatimieza. Mei íadi ringo íima ñue ocuilla ríinona jino cíotaite. Uáfueza, Juzíñamui íñiaí anamo íñena izói, afe izói íñiaí ringóniaí anamo íñede.

8 Mei íima Juzíñamui finua llezica, ringómona finóñedeza. Mei jíáfodo ringo ímamona finócaza.

9 Íima jitailla jira ringo finoca; mei íadi ringo jitailla jira íima finóñega.

10 Afe jira ringóniaí ifócina ibáirede, afengo ie ini ñue ocuícana anamo illa daiíllena. Dai írediaíoi mei Juzíñamui abi imaci eróicana itíaíoiza.

11 Mei íadi Crístomo cai jainaina dino íima ringónino ínide. Daje izói ringo ímanino ínide.

12 Mei uáfueza ringo ímamona finoca, daje izói uáfueza naga íñiaí ringo jéiciga. Iemo nana Juzíñamui comuítagacai.

13 Bíemona ¿nie izói comécidiíomoi? conímamo omoi daini. Ringo ifoci ibáiñeno Juzíñamuimo úriadi, meita figora, níbai figóñede. Mai daini.

14 Nanómona omoi izóidino griego imaci onóigaza: íima ifótirena baiñede; meaire cíoideza.

15 Daje izói afe abina cai onónafue jíáfuenta dáanomoi cai llote. Ringo ifótirena ñue baite, mei áfedo aféngomo ñúefue nítaítiaíoi. Jaca afe ringo ifoci ibáíllena, ie ifótii áretiina comuítaga.

16 Mei dáamie bizóidífue júfidoacaniadi, bie cue llógamo mai cacai, mei Cristo orécamaci cue diga

jiáifoidifue naáfueñedicai. Daje izói Juzíñamuimo
ínotino bifue baímo jiáífo maméñediaíoi.

*Cai Ocuíraimamo cai uibíñoga güilla rafue jiáímaci
bácaca*

¹⁷ Bie izói cue dáinado ómoímo ñúefuena
nítañeiticue, mei omoí gairíllafuiaímo ñue iñeno,
conímana fienni finódiomoíza.

¹⁸ Fueñe bifue llóiticue. Dámierie omoí illáfueña
cue fiditaiíoi. Juzíñamui cáimacaillena omoí
gairilla llezica, jiáimana énenoruidíomoi, daídíaíoi.
Afémaci cuemo llógana jabo ínoticue.

¹⁹ Afe eneno bozíetaillafue comuífiredeza, nibézie
Crístomo nahí ínotinona, nibézie ínoñedinona jino
uáfodo daíllena.

²⁰ Conímana omoí énenoruillamona, bie izói zúide.
Gairíllano omoí güillafue omoí bácacaza, ja birui
áfena cai Ocuíraíma íeñede.

²¹ Mei güizájillamo dúcina llezica, illa dígamie
dama ie atica güille güizájillena járitaífirede. Iemo
dáarie jufíruilla llezica, jiáímaci jífaízaíbitiaíoi.

²² ¿Meita birui omoí jofónidíomoi, afénomo güitá
omoí jiróllena? Bie izói omoí íllado Juzíñamuimo
nahí ínotinona jámairuitíomoi. Afe dáaruído
güíllenidínona meáiruitadíomoi. ¿Mei nie izói
ómoína dáíticue? ¿Mei ómoímo ñúefuena
nitáredicue? ¡Aferi ómoímo ñúefuena nitánidicue!

*Cai Ocuíraíma íraícaíño güíllamo cai uíbicaillafue
(Mt 26.26-29; Mr 14.22-25; Lc 22.14-20)*

²³ Uáfueza, cai Ocuíraimamo cai uibíñoga güillafue
fienni omoí ínuamona, ómoímo ñúefue nitánidicue.
Mei nauí ómoína cue daína izói, bie omoí cue

llófuiafuenta dama cai Ocuíraima llotátacueza. Afe fue be ñie: Cai Ocuíraima Jesús afe ie Judas fécaja naio, pan llínote.

24 Llínuano Juzíñamuina: “Iere figura” daide. Daina méifodo fécano daide: “Mai omoi güi. Bie cue abi; omoi ñue íllena ditaca izói ómoimo cue fecácaza. Bífuedo cuemo omoi úbicaifireiri,” daide.

25 Daje izói íaioi güilla méifomo, jiróracuri llínota daide: “Afe bie jiróracuri eromo ite iji, ómoimo cue comuítalle cómfuena ómoina onótate. Afe bie Juzíñamuimo dájena omoi jaináitalle cómfuena cue die uáfuenta ífcaitate. Diga ícaiño bie íjmona omoi jiróadi áfejido cuemo omoi úbicaifireiri,” daide.

26 Nana bífuiaí jira, Jesucristo nai meine ana biñena llezica, nágaruillaí bie pan omoi güiadi, íemo bie jiróracuri ero iji omoi jiróadi, áfedo Jesús cai ícoinia tíllana jino uáfodo llóitiomoi.

Afe bie cai Ocuíraimamo cai úbicaillafue jaca ñue coméciillamona finórede

27 Mei jira, ñie come bie paana Juzíñamuimo ñúefuena nitáñeno güiadi, daje izói afe jirócaji afémie fiene jiróadi, afémie cai Ocuíraima abi naa ie die diga fiene finode.

28 Ie jira, illa dígamie nai afe pan güiñena llezica ie ifoci úrillana ñue onórede; daje izói áfeji ie jiróacana llezica áfena onórede.

29 Mei onóigaza afe pan Cristo abina caina onótate. Dáamie aféfuena ñue náfueñeno ebena güiadi, afe daí ie güillamona dama Juzíñamui íena duere finoite. Daje izói dama Juzíñamui ie duere finólliji jírúa izoide.

³⁰ Daií omoi íllamona ómoimona aillo irárediaioi. Jíáie comini náinidiaioi. Iemo daje izói dáarie tíidiaioi.

³¹ Mei jíáifodo dani cai ifoci úrillana ñue cai náfueia Juzíñamui caimo riire jícanoñeite.

³² Mei íadi cai Ocuíraima riire caimo jícanojadi, afe jícanuado afémie izire caina lletade bíniemo ite Juzíñamuimo íñoñedino diga cai duere fínobiñeillena.

³³ Mei cue ámatiai, bie izóideza: Comunió gütállena omoi gairíadi, dámie raire güiñeno dájena omoi güitálleza conima omoi úiñori.

³⁴ Dámie ie jufíruiadi dama ie jofomo güizájirede, fieni omoi gairílledo Juzíñamui duere omoi fínoiza daií. Ico omoi cue eróizaille llezica, omoi jícala jíáifuiái jaícina jóoneitícue.

12

Juzíñamui Ñuera Joreño illa dígamie Juzíñamuimo cai táijinana fibíllena caimo fecade

¹ Amatai, Juzíñamui Ñuera Joreño illa dígamie mo fecaca Juzíñamuimo táijinana fibíllena ómoína fidítaacadícue.

² Ñue onódiomoiza, nai Juzíñamuina omoi onóñena llezica, úrinide jánarai anamo íllena cuinada zonóicaigamoí.

³ Iemona: “Bífueña omoi onoiri,” daidícue. Jesuna faidódímie jaca Juzíñamui Ñuera Joreñodo úrinide. Daje izói Juzíñamui Ñuera Joreñodo úriñedímie jaca uáfueña, “Cue Ocuíraima Jesús” daínide.

4 Illa dígamíemo afe fecaca jíáiforie Juzíñamuimo táijinana fibíllena ite. Mei íadi aféfuiai daade Juzíñamui Ñuera Joreño fecácaza.

5 Illa dígamíe jíáiforie conímána canóredicai, Juzíñamui ocuícamacína cai íllena. Mei íadi daade cai Ocuíraíma anamo iticai, ie cai ióbitallena.

6 Illa dígamíemo cai illafue ñue jaícína jóoillena, Juzíñamui díga jíáiforie caina ocuíoide. Mei íadi daade Juzíñamui nana comínina ocuíoide.

7 Juzíñamui Ñuera Joreño caído jáicanana cai ónoillena facáfírena raana illa dígamíemo Juzíñamui fecade, nana jíáímaci cai canóllena.

8 Ie jira Juzíñamui Ñuera Joreño dáamíe iere baitádimíena jáillena íena fibítate, jíáímaci llófuellena. Iemo jíáímíena daje Ñuera Joreño nimáíraíma úrifírena izói úrillena íena fibítate.

9 Iemo jíáímaci afe daade Ñuera Joreñodo jamánomo Juzíñamuimo ínotagaiaíoi, áfedo jíáíe Juzíñamuimo ínotino ñue canóllena. Ie mei jíáímaci iráredino jíllotaraimana fibítagaiaíoi.

10 Iemo dáarie uaido dánamona comuíde raa fínuana fibítagaiaíoi. Iemo jíáínona Juzíñamui dáina uai uáfodo jino llóllena fibítagaiaíoi. Iemo jíáímacína nie ua Ñuera Joreñodo úrillana daje izói nie taino jóriáido úrillana onóillena Juzíñamui fibítate. Iemo jíáímacína nai llófueñega jíáíforiede uáillaido úrillana onóillena fibítagaiaíoi. Iemo nai jíáímaci afe dáina uailai ñue jino dobáíñuana onóillena fibítagaiaíoi.

11 Mei íadi nana bífuiai daade Juzíñamui Ñuera Joreño fecaca. Ua dama ie óiacana izói, illa

dígamiemo jiáiforiede fibíllafuiaina fecade.

Nana cai bie dáamie abimo dúidicai

12 Bífuiái nana bie izói jóide, mei Cristo íemo ínotino diga, daade abi izóideza. Afe daade abimo jaináidinuiaina aillo ite. Mei aillo ite íadi, nai afe abi daade.

13 Afe izói aillo jiáifoidinona cai íllamona, nibai judíodicai, nibai griégodicai afe jaca mámeñega. Mei daade Ñuera Joreño nana cai daade abina jaináitagacaiza. Daje izói nibai rairuicanodicai, nibai ráiruiñeganodicai daje abina iticai. Ua daade Juzíñamui Ñuera Joreño daade abina finócacai. Afe daade Juzíñamui Ñuera Joreño úicaitagacai.

14 Cai abi daje izóiñede, mei diga ráaniai daade abimo jaináinaza.

15 Mei jii, come eiba: “Cue bie ónoñedicueza daje abí íñedicue,” daííadi, daíí dáinado daje abimo ie jaináinana uáitanide.

16 Daje izói come jefo: “Cue bie újiñedicueza daje abí íñedicue” daííadi, daíí dáinado daje abimo ie jaináinana uáitanide.

17 Mei cai abi nabáinino daa úji íadi ¿nie izói cácaiticai? Daje izói cai abi nabáinino daa jefo íadi ¿nie izói jálliana cácaiticai?

18 Mei íadi nana cai abimo jaináidinuiaina, afe abimo ñue baitínuiaimo, Juzíñamui ie comeci jítaina izói jóonete.

19 Nana cai abi dáadeniadi afe nabáiñiai illino íñede. Ua abi íñede.

20 Mei íadi ja onódiomoiza, dáamiemo jaináidinuiaina aillo ite, íadi jaca ie abi daade.

21 Daje izói nane jiáifue, cai ui ónoina: “Ona jitáiñedicue” daiñide. Daje izói ifoci eíbana: “Ona jitáiñedicue” daiñide.

22 Mei jiáifodo cai abimo ite mairíñedino iere jamánomo jitáirede.

23 Daje izói cai abimo ite figo coméciñegano áfena iere ñue uíñotícaí. Iemo cai abimo jino uáfodo cíotanidínona, áfena iníroido ebire finode.

24 Mei íadi cai abimona uáfori cíoidino cíotanidino izói ebire finónidiaíoi. Bie izói Juzíñamui cai abimo itínuiaina dájemo jofo ñue zorode, cai figo coméciñeganomo ñúefuena jamánomo cai nitállena.

25 Juzíñamui daí zorode, cai abimo itínuiái conímama énenoruiñeillena. Mei íadi jiáifodo illa dígano conímamo comeci uírede.

26 Come abimo itínuiaimona daano izi cácana llezica, nana jiáinuiái daje izói duere zéfuitiaíoi. Daje izói dáanomomo ñúefue nítano caimare íadi, nana jiáinuiái dájena caimare itíaíoi.

27 Mei jira bie izói nana omoi Cristo abídiomoi. Omoimona illa dígamiaí daa ie abimo itínuiái izóidiomoi.

28 Afe jira Juzíñamui jiáifodo táijinana dáarie íemo innotinomo jóonete. Nano fueñe Cristo orécamací jóonete. (Afémaci jiáifo mameina ie apóstoles.) Afe mei jiáinona Juzíñamuimona ogáfuiaí uáfodo jino llotino jóonete. Afe mei nane jiáinona ie uai llófueraíni jóonete. Iemo uaido dáinamona raana comuítatino jóonete. Iemo iráredino jíllotaitino jóonete. Iemo jiáimacina canófireidino jóonete. Iemo jiáimacina ocuífireitino jóonete. Iemo nai

llófueñega jiáizie uáillaído úritino jóonete.

²⁹ ¿Meita cai nana Cristo orécanodicai? Ieñedicai. ¿Meita nana cai bie Juzíñamuimona ogáfuiái uáfodo jino llotínodicai? Ieñede. ¿Meita nana cai ie uaina llófuetinodicai? Ieñede. ¿Meita nana cai bie uaido raana finódinodicai? Ieñede.

³⁰ ¿Meita cai bie iráredinona jílloredicai? Jíllotanidicai. ¿Meita cai bie nana nai llófueñega jiáizie uáillaído úritinodicai? Ieñedicai. ¿Meita cai bie nana aféuai dobáiñuano jino uáfodo llóredicai? Jaca nana llónidicai. Dámierie dobáiñorediaioi.

³¹ Mei ie jira, nana bie fibíllafuiaimona baimo ñuera fibíllafuiaina Juzíñamuimona omoi óllena afe omoi nícidori. Mei íadi afe fibíllafuiái baimo, jiáie ñúefuena ómoimo llófueiticue.

13

Jiáimana cai izíruillafue

¹ Mei uáfueza, nai llófueñega jiáizie uáillaído úrillana cue fibíadi, íemo afe baimo Juzíñamui abi imaci úrilla izói úrillana daje izói fibídicue ia, mei íadi jiáimana cue íziruiñeniadi, fia taino ficírede juai izóidicue. Iemo jiáie taia ficírede lloéturu izóidicue.

² Daje izói Juzíñamuimona ogáfuiái jino llúana cue fibíadi, íemo nana nai uáfodo onóñegafuiái llúana cue fibíadi, íemo jamánomo nimáiraimana cue jáiadi, íemo idu jáinua Juzíñamuimo ñnogafue cuemo íadi, mei íadi jiáimana cue íziruiñenia, táinomo fáifiticue.

³ Daje izói, nana cuemo ite ráaniai jiáimaci canóllena fia cue fecáadi, íemo Juzíñamui ióbitallena

dama cue abi cue jobáitaiadi, mei íadi afe llezica jiáimana cue íziruiñenia, nana cue finócafuiái cuemo ráifiñede.

⁴ Mei jiáifodo, jiáimana izíruitimie jaca járitaiñede. Afémie dúecaifirede. Daje izói úradoifinide, íemo afémie uícofiñede, íemo fieni abíínoñede.

⁵ Daje afe jiáimana izíruifiredimie meáiredifuenajaca lloñede, íemo afémie ie abina jacire maméñede, íemo afémie jaca rícaifinide. Jiáima fiénidifue íemo finóadi, fieni coméciñeno raire féitate.

⁶ Afe jiáimana izíruitimie jiáimaci fiénidifuiái fínuari zúureite, mei jiáifodo ua ñúefueri íóbifirede.

⁷ Nana íemo comuídifuiáiri caimare ocuide. Raire járitaiñeno aféfuiaimo ñue úíñoode. Juzíñamuimo izire ínuano aféfuiairi jacínaiñeno ñue ocuírde.

⁸ Izíruillafue zíñona jaca záíñeite. Mei íadi Juzíñamuimona uícodo onoiga ráfuiái záite. Daje izói jiáimaci uáillaido úrilla llícaite; íemo daje izói ifócido onóigafuiái záite.

⁹ Mei biruíllaido cai ifócido onóigafuiái ñue ícoimo baitáñedicaiza, jabo onódicaí. Daje izói Juzíñamui uícodo onoiga ráfuiáimona due jino lloticaí, mei due onódicaiza.

¹⁰ Mei íadi uire Juzíñamui nana ráfuiái caimo baitálliruimo afe ícoimo ñue báitañegafuiái fáicanocaille.

¹¹ Nai cue úruena llezica úruiaimo itífuiáido úriticue. Urue comeci fácaja izói, comeci facádicue, íemo úrue ifoci úrilla izói iticue. Mei íadi ja cue móonaila llezica, úrue illa izói cue illáfuiáiina fáicanocaidicue.

12 Daje izói birui Juzíñamui dibénemo cai onóigafuíai jaicúbicaide. Dámie jáiaira acáranimo figo cíoiñena izói afe izói Juzíñamui ífuiaina birui figo baitáñedicaí. Mei íadi ico jáíruido nana ñue báitaiticaí. Birui cue ifoci úrilla figo déiñedeza, jabo onódicue, mei íadi aféruido nana ñue ónoiticue. Jii, Juzíñamui cuena onona izoi ñue jaícina ónoiticue.

13 Mei daí Juzíñamuimo ínogafue, íemo jáí ocuírinafue, íemo jáí izíruillafue jaca zíiñona féiñeite. Bie daámanidemona izíruillafue iere jamánomoide.

14

1 Mei ie jira, afe izíruillafue iere jeire omoi oiri. Afe ua llezica Juzíñamui Ñuera Joreño fecaca jáíforie táijnana fibíllena izire omoi jenori. Omoi jenolle llezica, Juzíñamuimona onoiga uai jino llua baimo izire jicari.

2 Mei íadi dámie nai llófueñega jáízie uaido úriadi, dama Juzíñamuimo úrite. Comínimo úriñede; mei afémie úrillana buna canóñenaza. Afe ónoñega uaido úritimie Ñuera Joreñodo úrite, mei íadi afémie daína uai uáfodo onóñena báinino jóoide.

3 Mei jáíifodo afe Juzíñamuimona onoiga uai llotímie, comínimo úrite íaioi joreño dibéfuemo íaioi ñue móonaitallena; daje izói ñue íaioi náireillena, íemo jáí íaioi caimare fírallena.

4 Afe jáízie uaido úritimie dama ie joreño dibéfuemo móonaite; mei íadi afe Juzíñamuimona onoiga uai llotímie, Juzíñamuimo jaináidinona ñue móonaitaite.

5 Afe nai llófueñega jáízie uaido úrillana nana ómoiena jitáidicue. Mei íadi Juzíñamuimona onoiga

uai jino omoi llóllena iere baimo jitáidicue, mei afe onoiga uai jino llua, jiáizie uaido úrilla baimo ráifide, Jesucrístomo inotino aillo móonaitallena. Mei íadi afe jiáifoide uaido úritimie úrilla dobáñoraíma íadi, afefue ñuera; mei áfedo nana Juzíñamuimo jaináidinó dani íaiói joreño dibéfuemo daje izói ñue móonaitiaíza.

⁶ Ie jira ámatiai cácarei. Uire omoi cue uáiduaibia omoi cígiri Ñuera Joreño úritate jiáizie uaido cue úriadi, cue úrilla ómoimo due jiza ráifiñede. Mei jiáifodo Juzíñamui caimo onótagafuiaido cue úriadi afefue ómoimo ráifide. Daje izói omoi ifoci ua uaina cue déitaiadi afefue ráifide. Iemo daje izói Juzíñamuimona onoiga uai ómoimo jino cue lloia afefue jiái ráifide. Daje izói omoi cue llófuia ráifide.

⁷ Mai nana omoi rúado taiga raamo ñue coméciri, áfemona ñue onóillena. Afe raa jaca comécinideza. Be totíbacui, íemo arpa, íemo juai diga caimare ficire úrite, mei íadi jiáima fiēni taia, áfena cacáidinó afe úrilla uaina ónoñeitiaíoi.

⁸ Daje izói comini jobáiriacana llezica, uáidua juai táñeniadi comini figo áfemo mámeriñeitiaíoi.

⁹ Afe izói ómoimo íficaide: dáamie jiáifoide ónonide uaido omoi llófueia ie dáinana bu onóñena. Afémie táinomó úrite.

¹⁰ Uáfodo onóigaza; bie éniemo diga jiáie nairai uailai ite. Afe uáillaina onódinomó nana aféuailai ñue baite.

¹¹ Mei íadi cuemo úritimie uaina cue ónoñenia, aféniemona jicánemiedicue. Daje izói afémie cúemona jicánemie.

¹² Ie jira, afe Ñuera Joréñomona fecaca tájinana fibíllena omoi iere gaina llezica, mai Juzíñamuimo

jaináidinona ñue móonaitallifuiaina iere izire omoi jicari.

¹³ Afe jira nai llófueñega jiáizie uaido úritimie afe ie daina uaina ñue jino llúana fibíllena Juzíñamuimo jicárede.

¹⁴ Mei jiáizie uaido Juzíñamuimo cue úriadi, ua cue joréñodo úriticue, mei íadi cue ifoci úrilla, táijiñeno oni eneno ite izoide.

¹⁵ Mei íemona ¿ñifue fínoiticue? Cue joréñodo naa cue ifoci úrillado Juzíñamuimo úriredicue. Daje izói cue joréñodo naa cue ifoci úrillado afémiemo róredicue.

¹⁶ Mei jii, dama o joréñodo Juzíñamuimo o úriadi o ánnori ite, áfemo fibítañega cacáreidimie, Juzíñamuina figura o daiífirenafue dibénemo ínide. Mei o dánana onóñedeza.

¹⁷ Mei nibai Juzíñamuina figura o daiífirena Juzíñamuimo ñue cacaide, íadi jiáimana dama ie joreño dibénedo ñue móonaitañede.

¹⁸ Nana omoi baimo jiáizie uaido úriredicue. Aferi iere Juzíñamuina figura daidicue.

¹⁹ Mei íadi Juzíñamuimo jaináidino gairífirena llezica, ónoñega jiáifodo jóide uaillai baimo, jubeba diga ñue onoiga uai cue dánana gáidicue, jiáimaci cue llófuellena. Mei íadi diez mil féirede jiáizie uai afémaci cígimo cue úrillana gáíñedicue.

²⁰ Amatiai, úruiai comeci faca izói, afe izói comeci omoi facáñeno iri. Mei jiáifodo éicomini izói comeci omoi facari. Mei íadi fiénidifue dibénemo jézinidino izói omoi iri.

²¹ Jai ai cai ocuilla uai ciegánicomo Juzíñamui íemo cacáacañede Israel náiraina bie izói daide:

—Bie náiraina jiáie uáillaído úritinodo duere
fínoiticue; onínemacído íaioi llétaiticue.

Mei íadi afe bie uaido nai cuena náfueñeitiaioi.

Daií cai Ocuíraima daide, —aquíe izói ie uai llote.

²² Mei daií afe jiáizie uaido úrillana fibíllafue
Juzíñamuimo íinoñedinomo dúide, jiáie onótate raa
izói íaioina onótallena. Ínotinomo dúíñede. Mei
íadi Juzíñamuimona onoiga uai jino llúana fibíllena
Juzíñamuimo ínotinomo dúide, jiáie onótate raa izói
íaioina onótallena.

²³ Mei jira nana Juzíñamuimo jaináidino dáanomo
gairilla llezica, íemo nana omoi jiáizie uaido
omoi úriadi ie mei áfemo fibitañega íinoñedino
omoi cígimo bíadi, nibai “Uáiritaidino izóidiomoi,”
dáitiaioi.

²⁴ Mei jiáifodo Juzíñamuimona onoiga uai jino
omoi llua llezica, íemo fibitañega íinoñedimie omoi
cígimo bíadi, ie comécimo ite fiénidifuena uáfodo
ónoite. Nana omoi dánana cacáillano afémie dama
ie comécina méiñotaite.

²⁵ Afe daií dama ie comeci onóigafuiai jino
cíocaillamona, cañícido ana dújullano Juzíñamuina
cámadoite. Iemona: “Uáfuenta, Juzíñamui omoi
cígiri íteza” dáite.

*Omoi gairilla llezica nana omo lollífuiai
jaicuñeno jaícina lloiri*

²⁶ Mei jira, ámatiai, omoi gairíllífuiai bie izói írede:
Omoi gairilla llezica ómoimona dáarie Juzíñamuimo
rollírúa jino llóiacade. Iemo jiáimie llófueacade, íemo
jiáimie Juzíñamui íena onótagafue jino llóiacade, íemo
jiáimie jiáifoide uaido úriacade, íemo jiáimie afe

jiáizie uaido úrilla jino dobáiñoiacade. Nana bífuiái ñuera. Mai bífuiái daí íteza, Juzíñamuimo jaináidino ñue móonaillena, daje izói íemo nai ínoñedino ínotallena.

²⁷ Jiáizie uaido omoi úriadi mena come dáaruído úrinide. Jiáimie úrilla llícailla méifomo úriri. Daámani come daí úrrede. Naga come jiáifoide uaido úrilla fuíllamo ie lloga uai dobáiñorede.

²⁸ Mei íadi uai dobáiñoitimie íñeniadi, mai nie izói jiáifoide uaido daíñeno iri. Dámie úriacania dama ie comécido Juzíñamuimo úriri.

²⁹ Daje izói afe Juzíñamuimona onoiga uai llotínomona damieámani úrrede, íadi daje llezica úrinidiaíoi. Llotímie fuilla méifomo íemo cacáreidino fairíorediaíoi, ie dánana ja Ñuera Joréñomona comuide, nibai íeñede daíllena.

³⁰ Mei íadi dámie uai jino llua llezica, Juzíñamui jiáie ana ráiidimiemo jiáifue íena onótaiadi afémie raire fueñe úritarede. Nano fueñe úritimie ie úrillana fáicanocairede.

³¹ Afe daí nana omoi Juzíñamuimona onoiga uai llotino llórediaíoi. Uafue dámierie jino llórediaíoi, áfedo nana omoi onócaillena; daje izói áfedo nana omoi comeci náirecaillena.

³² Nana afe Juzíñamuimona onoiga uai llotino daní íaíoi joréñona rairuírediaíoi, nai jiáimie úrilla fuiñena dino.

³³ Mei Juzíñamui caimare uái illífue comuítatimie; íemo, úrillana féitate gáguana afémie comuítañede.

Nana jiáinomo ite Juzíñamuimo jainaide gairídino finua izói birui ómoina finótaiticue.

³⁴ Juzíñamui íóbillena omoi gairilla llezica, cígimo

ite ringóniai úrilla rairuírede, íñiaina ie llófuellena. Juzíñamui ocuilla uai daina izói, aféngotiai ima anamo caimare írediaioi.

³⁵ Aféngotiai daa rafue onóacania, jino jofomo íaioi inimo jicánorede. Daa ringo comini gairilla cigiri úria meaire cioide.

³⁶ Mai cácarei, ¿Meita Juzíñamui uai dani ómoimona comuide, daíi comeci facádiomoi? ¡Daíñede! Daje izói aféuaina dani ómoimo llógaza comeciñeno iri; mei diga jíamaci íena, daje uaina jae llogáiaioiza.

³⁷ Daa come Juzíñamuimona onoiga uai jino llotímiedicue daíadi, bie ómoimo cue ciegáfuiái caí Ocuíraima Jesucristo caí ocuilla uai afémie daírede. Daje izói daa come Ñuera Joréñodo úritímiedicue daíadi, afémie cue cuela dibénemo Jesucristodo caí ocuilla uai daírede.

³⁸ Iemo afe cúgana ailli cue daina bie izói daíacañedimie moí náfueñeno iri.

³⁹ Cue ámatiai, bíemona Juzíñamuimona onoiga uai jino llua jeire omoi oiri. Iemo da come jíáizie uaido úria, rairuíñeno iri.

⁴⁰ Mei íadi afe llezica, omoi lollíuaina jaicuíñeno daje fuémona jíámamo meaire cíotañeno lloiri. Daje izói nana omoi jetaca raana jaicuíñeno ñue jaícina maméfireiri.

15

Jesucristo tilla meine abido cáadimie illafue

¹ Cue ámatiai, ómoimo cue lloga jíllona uai ómoína uibíñotaacadicue. Afe uaina jae jeire otíomoi. Iemo bie uaido ñue itíomoi.

2 Daje izói cue lloga uai omoí náfueia bie Juzíñamui uai omoí úado jíllo taga omoí. Mei íadi nauti níbaí táinona omoí ñnoia jae jíllone d omoí.

3 Cue onoiga jamánomoidí fue nauí ómoimo llotí cue. Juzíñamui Cuegáuai daina izói, Cristo cai fiénidí fueiaí muiñóllena tíllafuena jae omoí llófuetí cue.

4 Iemo nane afe Cuegáuai daina izói, Cristo raiga daruíamani íllamona meine abido cáadimiena jáillana ómoína llófuetí cue.

5 Iemo afe Cristo Pédro mo cíocaide; afe mei nana jíaíe ie orécamacimo cíocaide.

6 Nane afe mei dáaruido quinientos baimo íemo ñnotí nomo cíocaide. Afémacimona aillo nai itíaioí, íadi dáarie jae tíidiaioí.

7 Nane afe mei Santiagomo cíocaide, íemo nane nana ie orécamacimo cíocaide.

8 Nana jíáimacimo cíocaila mei, íirainomo aféme cuemo cíocaide. Iemona úrue jíáifodo jocoina izóidimíedicue, mei Crísto mo cue dóbaicailafue jarire cuemo íficaideza.

9 Mei Jesús orécamacimona jofófenemo ráifidimíedicue. Juzíñamuimo jaináidino fállena cue racáfirenamona, nauí ie orécamíe cuena daínide.

10 Mei íadi Juzíñamui ñue cuemo íllado, bie izói ití cue. Aféme cuemo dúecaillano aféme cue cánuana táinomo fáifitañedicue. Mei jíáifodo jíaíe ie orécamaci baimo, iere riire táijidí cue. Mei íadi afe izói dama táijinidí cue. Juzíñamui cuemo dúecaillano cue díga jáicaillado daí táijiredí cue.

11 Mei birui, afe ñúefue níbaí cue lloga, níbaí afémací lloga, afe lluíafuena náfueñedicue. Mei íadi

bie ñúefue ja ómoimo cai llogafue, daje izói afefue omoi ñnogafue.

12 Mei bie ómoimo cai llogafue Cristo tíllamona meine abido cáadimiena jailla. Afe llogafue bie izói ítena, ¿mei ñie izói ómoimona dáarie: “Tíidinomona buna meine abido cáadinona íñeite,” daidíaioi?

13 Meita íaioi daina izói tíidinomona buna cáañenaza, daje izói meita dama Cristo cáañeite.

14 Iemo meita Cristo cáañedeza cai llócaiga uai ráifiñede. Daje izói omoi ñnogafue ráifiñede.

15 Iemo afe baimo, cai bie Juzíñamui dibénemo taino llotínodicai, mei Juzíñamui Cristo meine abido cáatate daidícaiza. Meita tíidino meine cáañenaza, daje izói Juzíñamui Cristo meine cáatañeite.

16 Mei tíidino meine abido cáañeniadi, meita afe Cristo cáañeite.

17 Iemo meita Cristo cáañedeza, omoi ñnogafue ómoina ñue finóñede. Nai ómoimo ite fiénidifuiaimo nai jaináicaidiomoi.

18 Meita íaioi daina izói Cristo cáañedeza, Crístomo ñnote tíidino táinomo fáifidiaioi.

19 Meita Crístomo cai ocuírínafue daa biruúllaido bíniemo cai illa llezica caimo dúideza, nana comini baimo cai duere finócanodicai.

20 Mei íadi afe izóiñede. Cristo tíllanomona meine abido cáadimiena jailla ñue onóigaza. Amena llizíllajimona jotáiritiji fueñe uaila izói, Cristo nana tíidinomona meine abido caadino ifódime.

21 Mei bie izói daa cómemona, Adán dainámiemona tíllafue fueñe bíniemo comuídeza;

daje izói tíidino meine abido cáailifue daa cómemona comuide. Afémie Jesucristo.

22 Afemona nana comini Adamo jaináideza, títiaioi; íemo daje izói nana Crísto mo jaináidino meine abido cáaitiaioi.

23 Mei íadi nana nairai daje llezica meine abido cáañeitiaioi. Nágamiiai íaioimo dúide dieze, íaioi cáatalliruido cáaitiaioi: raire uícodo oga llizillaji óina izói, Cristo fueñe meine abido cáadimiena jaide; afe mei Cristo billíruimo dama Cristo iédino cáaitiaioi.

24 Iemo írairuimo dúciite. Aféruimo Cristo nana biniemo ite rírede illaini naa monamo ite ríinoredinuiari niné táinocaitaite. Afe mei nana ie illáimana illa ríino naa ie anamo itinuiari ie Moo Juzíñamui mo fécaite.

25 Mei jii, Cristo nai illáimana írede, Juzíñamui nana íena éoidino Cristo anamo itábicaitalle dino.

26 Come tíllafue caina anáfenoacade caina éoidimie izoide. Mei íadi afe cai titade ríinona Cristo írainomo niné táinocaitaite. Afe mei jáie táinocaitallimiena íñeite.

27 Mei Juzíñamui nágafuiana Cristo anamo jóonete. Cristo ñue afémaci ocuillena. Juzíñamui Cuegáuai bie izói daiíadi, Juzíñamui Cristo anamo íñenana uáfodo onóigaza, mei Juzíñamui naga raa Cristo anamo jóonetimieza.

28 Iemo nágafuiai Cristo anamo itábicailliruimo, dama afe Cristo Juzíñamui Jitoza ie Moo anamo itábicaiteza. Juzíñamui nágafuiai Cristo anamo itábicaítimie. Aféruimo bífuaido naga ráaniai dibénemo Juzíñamui jamánomoidimiena íite. Naga ráfuiai naa ie comuítaga ráaniairi ñue jáicina

afémiemo dúite.

29 Nane jiáifue “Tíidinona meine cáañeite” daiífiredinona dáitícue. Dáarie tíidino dibénedo báutizatatino ite. Meita tíidino meine cáañeitaiioiza, ¿nibái mei daií báutizatataioi? Iemo tíidino dibénedo báutizafue ¿minícamo ráifide?

30 Iemo cue, cue nabáñiaí diga, Juzíñamui ñúefue ícoinia, nágaruillaido iere caina titáacade jácifuelmo ífiredicai. Meita tíidino meine abido cáañeiteza, daií cai íadi ¿miníca caimo ráifilla?

31 Nágarui cue titállena mamédiaioiza jácinomom itícue. Uáfueña daií itícue. Cue ámatiaí, cai Ocuíraíma Jesucrístomo omoi ínuari uáfueña iere íóbídícue. Afe uáfueña cue íóbilla izói, daje izói uáfueña nágarui titáacagacue. Iemona tíidino meine abido caalle uáfodo onóigaza.

32 Iemo meita tíidino meine cáañeiteza, jamai cómena cue illa, Efésomo ite illáirede rille izóidimaci diga nauí cue fuiríllamona ¿miníca cuemo ráifilla? Mei afe izói cue illa cuemo ráifíñede. Meita uáfueña tíidino meine cáañeiteza, afe taino llotino ñue jáicina daidíai. Afémaci daína bie izói jóide: “Mai raire cai güilli, güillano cai jirolli; mei úreitiruimo raire títicaiza afe mei nine íñeiticai,” daidíai.

33 Jiáimamo omoi jífuefíñeno iri. Abina ñue onona uai uáfodo jóideza: “Fiénide nabáñiaí ñue illáfuiaina niné tánocaitate.”

34 Mei jiáifodo, ñue abina omoi onoiri. Omoi illafue ñue jáicina jóoneri. Fíenidífuena finóñeno iri. Mei ómomaína dáarie Juzíñamui nai figo onóñedeza. Omoi méaicaillena bie izói ómoína daidícue.

Tíidino meine abido cáadinona íllena abi Pablo llote

³⁵ Nibai birui ja dáarie jicánoite: ¿Mei nie izói tíidino cáaitiaioi? ¿Mei afémaci abi nie izói éroite?

³⁶ Afe izói jicánua abina onóñedimie úrilla izoide. Mei daa rífiregaji cai ríadi, afeji tíide izói énie anamo fiébirede, áfemona ie iroci zicóllena.

³⁷ Eniemo riga raa, afénomona zicódirociñede, mei jiáifodo dama ie iji rína. Iemo diga jiáiforiede íjiai rína: bellaji rína, íemo mazácaji rína, íemo arroz iji daje izói rína.

³⁸ Afe rínajai zícua llezica ie ciona izói Juziñamui comúitate. Dani aféjiai dúina izói zicótate. (Bellajimona bellari zócaja, íemo mazácajimona mazácari zócaja.)

³⁹ Mei afe izói naga cáadinuiai abi jiáiforie eroide. Come abi jiáifoides, íemo rille abi jiáifoides. Daje izói féedino abi jiáifoides, íemo chámuniaiai abi jiáifoides. Nana daje izói eróiñede.

⁴⁰ Iemo jiái monamo ille abi ite, íemo jiái éniemo illa abi ite. Bíniemo illa abi ebírede, mei íadi monamo ille abi ebire eroina jiáifoides.

⁴¹ Jitoma egáiñua fiui egáiñuana eróiñede; jiáifodo egáiñote. Daje izói ucudu egáiñua izóiñeno, jitoma jiáifodo egáiñote. Iemo jiái daa ucudu jiáie ucúdumona egáiñua jiáifodo cíoide.

⁴² Tíidino meine cáailífue bie izói jóide. Rífaite íeizi éniemo raiga, íemo tíiñeitinona meine abido cáate.

⁴³ Jámairuiga abi éniemo raiga, ie mei ebire cíoitaga abi meine cáate. Daje izói nane ríinide abi éniemo raiga ie mei ñue íocirede abi cáate.

44 Bíníemo cai jocoína abí éniemo raíga, ie mei mona dibénemo dúide abí cáate.

45 Mei daí Juzíñamui Cuegáuai llote: “Nanóidimie Adana cáadimiena íficaide. Íraie Adán daina Cristo zíñona cáatatena joréñoredimie,” daide.

46 Juzíñamui dibénemo cai comútatimie nano fueñe cómutañega, mei jíáfodo bíníemo cai nanóidimie Adán fueñe comútaina. Afe méifomo Juzíñamui dibénemo cai comútatimie cíocaide.

47 Nanóidimie énie ie finóinaza éniemo dúide. Méifoide Adán daina Cristo mona ie. Afémie cai Ocuíraíma.

48 Afe énie finóinamie izói, nana bíníe comíni ie abí izóidiaioi. Daje izói Jesumo ínuamona monamo dúidino afe monámona bitímie izóidiaioi.

49 Iemona énie ie finócamiena cai eroína izói, afe izói mona ímiena éroitícaí.

50 Amataí, omoi cacai, ómoína dáitícue, nana bíníe dúide cai abí die díga jaca Juzíñamui illáimana illánomo jofo jáinide. Daje izói raíre tánocaitatífue zíñona illínomo dúíñede.

51 Mei íadi nanómona uáfodo onóñega ráfuenta ómoína onótaacadícue: nana tíñeítícaí; mei íadi nana jíáfodo méidoficaitícaí.

52 Uáfuenta, Juzíñamui íraie vudugoi fúunua llezica, jarire ui bótacailla izói raíre jíáfodo méidoficaitícaí. Afe vudugoi ficire cácaçailamona tíidino meine abído jaca tíñeillena cáatalliaioi. Afe llezica cáimona cáadímaci jíáfodo méidoficaitícaí abído tíñeillena.

53 Mei caimo ite raíre féitífue zíñona féíñeítífuenta méidoficaírede. Daje izói cai tíite abí zíñona tíñede abína méidoficaírede.

⁵⁴ Iemo afe bie caimo ite raire féitífue zíñona féñeitífueña méidoficailla llezica Juzíñamui Cuegáuai daina ñue jaícina zúite. Daje izói cai tíite abi zíñona tíñede abina méidoficailla llezica afe Cuegáuai ñue jaícina zúite. Afe Cuegáuai daina bie izói jóide:

Caimo ite tíillífue,
caina éoidimie anáfenoina izói, anáfenoga; ja táinocaide.

⁵⁵ Cai titaitífue caina izi cácatáfirena riino jae iñede.

Caina ñie izói níbaiñeite,
mei ie molleroi izoide raa ja birui iñédeza.

⁵⁶ Nana comínimo fiénidífuiái íllamona, titaitífue caina jacíruitade. Iemo jaiái Juzíñamui cai ocuilla uai llúamona cai fiéni finócafuiái duere finórede. Iemona tíillífue cai anáfuenuana jaca jacíruiticái.

⁵⁷ Mei Juzíñamui cai Ocuíraima Jesucristodo áfemo caina anáfenotañenamona íena iere figura daiífiredicái.

⁵⁸ Ie jira, cue izíruiga ámatiai o ínogafuena jíáifodo méidoñeno ñue jeire omoi oiri. Juzíñamui ocuica táijinafuemo nágaruillái iere omoi náfuefireiri. Mei ñue onódiomoiza, cai Ocuíraimamo dájena cai táijinafue, jaca táinomo fáifiñeiteza.

16

Dúerede cai ámatiai canóllena úcube eneno ofítafue

¹ Crístomo íinote ámatiai canóllena úcube omoi jícanoga eneno ofítallífue llóiticue. Galacia éniemo ite Juzíñamuimo jaináidino cue llófuia izói, afe izói omoi ofítari.

2 Naga semana táiniaruimo, ómoimona illa dígamie omoi oga úcubemona due jiza Juzíñamui íena oni eneno jóneri. Nano omoi llínua dieze oni eneno jóneri. Daí uícodo omoi ñue eneno éenofireiri, cue billíruimo afe úcube ómoído cue íraíñeillena.

3 Uire cue bille llezica omoi nizada dani baillímiedo afe úcubena Jerusalémo óreitícue. Afe llezica omoi cuelle útimiaí mámece illábedo íaioina óreitícue. Afe bie izói omoi ofítaga úcubena Jerusalémo ite ámatiaimo óreitícue.

4 Onoñegaza, cue jíeruia afémace díga dane jáiticaí.

Pablo jíainomo jáillena mamérite

5 Cue jáiadi Macedonia éniédo jáiacadícue. Afe méifodo daí Coríntomo dúciitícue.

6 Mei nibai nano nié dino omoi cígiri ítícue. Nibai ónoñegaza bie rozírediruillaina omoi cígiri záitaitícue. Afe mei oni jíainomo cue jaille llezica cuena canórediomoi.

7 Mei ómoimo fia jarire érocaillano jáiacañedícueza, cai Ocuíraima comece jítaia, omoi cígiri are íacadícue.

8 Mei íadi Pentecostés rafue dúcille dino, benó Efeso jófuemo ítícue.

9 Mei íere ñue Juzíñamui uaimo cue tájilliruimo itícueza. Aillo comini birui aféuaimo jíeruicadiaioi. Mei íadi afe llezica aillo afe uaina uáitatino ite.

10 Timoteo ómoimo bíadi, mai omoi cígiri caimare íena omoi itátari. Afémiena omoi áifedoñoeno iri. Mei afémie daa cai Ocuíraima ocuícamo cue izói táijideza.

¹¹ Ie jira ómoimona buna afémiena jámairuñeno iri. Mei jáífodo cue ie éroizaibilleza caimare afémiena omoi canori. Mei naa jáíe ínnote ámatiaiori íena ocuídídicue.

¹² Cai ama Apolos dibénemo llóítídicue. Naui íemo izire jicádicue, jáíe ámatiaiori omoi éroizaillena. Mei íadi afémie birui jáiacañede. Uire ie jáiacalliruimo jáite.

Jiraicaiño uáidonocaila uai

¹³ Mai abina ñue omoi onoiri. Crístomo omoi ínogafue jáífodo méidoñeno jeire omoi oiri. Jacíruiñeno ñue íociredímie izói omoi iri.

¹⁴ Nana omoi jetácagafuai, conímana izíruillafuedo finori.

¹⁵ Amatai, birui onódiomoiza, Estéfanas mámeciredímie comini, nano fueñe Acaya éniemo ñúefuemo dóbaicaidino. Dóbaicaillano jáíe Crístomo ínnote ámatiai canóllena ja maméritiaioi.

¹⁶ Jira afémaci, naa jáíe afémaci izóidinori anamo omoi caimare itábicaillena iere jitáidídicue. Daje izói jáínona canófredino, naa jabo ocuídínori anamo mai caimare omoi itábicairi.

¹⁷ Ja Estéfanas, Fortunato, Acaico diga bíllari iere íobidídicue, mei cúemona jica itíomoiza cuena canónidiomoiza. Mei íadi afémaci ómoimona féredífue cuemo finódiaioi.

¹⁸ Afémaci cue comécina iere náiretadiaioi; daje izói ómoína náiretadiaioi. Afe izoide comínimo ñue omoi jíeruiri.

¹⁹ Benó Asia éniemo ite Juzíñamuimo jaináidino ómoimo uailai orédiaioi. Daje izói Aquila ie ai Priscila diga naa íaillinoimo gairídinori, cai Ocuíraima mámecido uai ómoimo orédiaioi.

²⁰ Nana benomo ite ámatiai oreca uailai, mai omoi llínori. Daje izói conímana caimare uáidori.

²¹ Cue Páblodícue. Dama bie cue ónoído cueba uai ómoimo orédícue.

²² Ninó dámie cai Ocuíraima Jesucrístona izíruiacañedímie Juzíñamui faidólleza. ¡Cai Ocuíraima, mai raire biri!

²³ Cai Ocuíraima Jesucristo ómoína ñúefuena ézicíteza.

²⁴ Nana omoi Jesucrístomo jaináinado, ómoína cue izíruiilla uai orédícue. Daiítadeza. Jae ñie.

Juziñamui Ñuera Uai
New Testament in Huitoto, Minica

copyright © 2011 Wycliffe Bible Translators, Inc.

Language: Minica Huitoto (Huitoto, Minica)

Translation by: Wycliffe Bible Translators, Inc.

Copyright Information

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Huitoto, Minica

© 2011, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

PDF generated using Haiola and XeLaTeX on 18 Apr 2025 from source files
dated 29 Jan 2022
740f11a2-2e26-57f5-a3a7-5deb2d20bd24